

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
YAMAMOTO
NOV 21 1958

T5237.47/1332

32

唐詩類苑卷第一百二十八

哈佛大學漢和圖書館珍藏印

明雲間張之象玄超甫纂輯

雲間李中立士強甫編次

雲間王徹叔朗甫補訂

梁谿曹仁孫伯安甫校正

人部

宦情

倬彼我系

王勃

倬彼我系舍弟虢州叅軍勃所作也傷迫乎家貧道未成而受祿不得如古之君子四十強而仕也

唐詩類苑 卷之三百二十八
故本其情性源其事業因陳先人之迹以議出處
致天爵之艱難也勃兄勵序

倬彼我系出自有周公彊錫社派別枝流居衛仕宋
臣嬴相劉廼武廼文或公或侯晉曆崩拆衣冠擾弊
粵自太原播徂江筮禮喪賢隱時屯道閉王室如燬
生人多殪伊我有器思逢其主自東施西擇木開宇
田彼河曲家乎汾浦天未厭亂吾將誰輔伊我祖德
思齊九埏不常厥所於茲五遷欲及時也天豈願焉
其位雖屈其言則傳爰述帝制大蒐王道曰天曰人
是祖是考禮樂咸若詩書具草貽厥孫謀永爲家寶

伊余小子信慙明哲彼網有條彼車有輒思屏人事
克終前烈於嗟代網卒余來緲來緲伊何謂予曰仕
我瞻先達三十方起夫豈不懷高山仰止願言毓德
啜枝飲水有鳥反哺其聲嗷嗷言念舊德憂心忉忉
今我不養歲月其滔僂俛從役豈敢告勞從役伊何
薄求卑位告勞伊何來參卿事名存實爽負信愆義
靜言遐思中心是愧

岳州作二首

張說

說爲文屬思精壯世所不逮旣謫岳州而詩益悽
惋人謂得江山助云

唐詩類苑 卷之二百五十一
水國生秋草離居再及瓜山川臨洞穴風日望長沙
物土南州異關河北信賒日昏聞鶴鳥地熱見修蛇
遠人夢歸路瘦馬嘶去家正有江潭月徘徊戀九華

二

夜夢雲闕間從容簪履列朝遊洞庭上緬望京華絕
潦收江未清火退山更熱重欵視欲醉慵滿氣如噎
器留魚鱉腥衣點蚊蚋血髮白思益壯心玄用彌拙
冠劍日苔蘚琴書坐廢撤唯有報恩字刻意長不滅

岳州行郡竹籬

張說

山郡不溝郭荒屈無翳壅愛人忠主利善守閉爲勇

苟非小勤率安得其逸寵板築恐土疎襄城嫌役重
藩柵聊可固筠篁近易奉差池截浦沙繚繞緣隈隴
蠹似長雲亘森如高戟聳頭絕豺狼憂知免牛羊恐
閭里寬矯步捧藜咨踏踵如果遊處心終日成閑拱

陪燕公行郡竹籬

趙冬曦

良臣乃國禎麾守去承明外戶人無閉浮江獸已行
隨來晉盜逸民化蜀風清郭郭從彝典州閭荷德聲
小人被天渥流宅巴丘城所賴中和正優游鑿與耕

荊州作二首

張九齡

先達志其大求意不約文士伸在知已已况仕於君

微誠夙所尚細故不足云時來忽易失事往良難分
顧念凡近姿焉欲殊常勲亦以行則是豈必素有聞
千慮且猶跌萬緒何其紛進士苟非黨免相安得羣
衆口金可鑠孤心絲共棼意忠仗朋信語勇同敗軍
古劍徒有氣幽蘭祇自薰高秩向所忝於義如浮雲

二

千載一遭遇往賢所至難問余奚爲者無階忽上搏
明聖不世出翼亮非苟安崇高自有配孤陋何足干
遇恩一時來竊位三歲寒誰謂誠不盡知窮力亦殫
雖致召乘寇初無挾術鑽浩蕩出江湖翻覆如波瀾

心傷不林樹自念獨飛翰狗義在匹夫報恩猶一餐
况乃山海澤效無毫髮端內訟已慙沮積毀今摧殘
胡爲復惕息傷鳥畏虛彈

在郡秋懷二首

張九齡

秋風入前林蕭瑟鳴高枝寂寞遊子思寤歎何人知
宦成名不立志存歲已馳五十而無聞古人深所疵
平生去外飾直道如不羈未得操割效忽復寒暑移
物情自古然身退毀亦隨悠悠滄江渚望望白雲涯
路下霜且降澤中草離披蘭艾若不分安用馨香爲

二

庭蕪生白露歲候感遐心策蹇慙遠途巢枝思故林
小人恐致寇終日如臨深魚鳥好自逸池龍安所欽
掛冠東都門採蕨南山岑議道誠愧昔覽分還愜今
無然憂成老空爾白頭吟

爲郡

張九齡

忝官二十年盡在內職及爲郡嘗積戀因賦詩焉
江流去朝宗晝夜茲不舍仲尼在川上子牟存闕下
聖達有由然孰是無心者一郡苟能化百城豈云寡
愛禮誰爲羊戀主吾猶馬感初時不載思奮翼無假
閑宇嘗自閑沈心何用寫攬衣步前庭登陴臨曠野

白水生迢遞清風寄瀟灑願言采芳澤終朝不盈把

翰林讀書言懷呈集賢院內諸學士

李白

晨起紫禁中夕待金門詔觀書散遺帙掇古窮至妙
片言苟會心掩卷忽而笑青蠅易相點白雪難同調
本是疎散人屢貽福促誚雲天屬清朝林壑憶遊眺
或時清風來閑倚闌干嘯巖光桐廬溪謝客臨海嶠
功成謝人間從此一投釣

衙郡守還

岑參

世事何反覆一身難可料頭白翻折腰歸家私自笑

唐詩類苑 卷之二百五
所嗟無產業妻子嫌不調五斗米留人東溪憶垂釣

風涼源上作

王昌齡

陰岑宿雲歸烟霧濕松栢風淒日初曉下嶺望川澤
遠山無遺明秋水千里白佳氣盤未央聖人在凝碧
關門阻天下信是帝王宅海內方晏然廟堂有竒策
時貞守全運罷去遊說客余忝蘭臺人幽尋免貽責

忝官引

元 結

天下昔無事僻居養愚鈍山野性所安熙然自全順
忽逢暴兵起閭巷見軍陣將家瀛海濱自棄同芻糞
往在乾元初聖人啓休運公車詣魏闕天子垂清問

敢誦王者箴亦獻當時論朝廷愛方直明主嘉忠信
屢授不次官曾與專征印兵家未曾學榮利非所徇
偶德兇醜降功勞愧分寸爾來將四歲慙耻言可盡
請取寃者辭爲吾忝官引寃辭何者苦萬邑餘灰燼
寃辭何者悲生人盡鋒刃寃辭何者甚力役遇勞困
寃辭何者深孤弱亦哀恨無謀救寃者祿位安可近
而可愛軒裳其心又干進此言非所戒此言敢貽訓
實欲辭無能歸耕守吾分

景雲二年

唐書作景龍三年

余自門下平章事削階

授江州員外司馬尋拜襄州刺史春日赴

襄陽途中言志

崔湜

余本燕趙人秉心愚且直羣籍備所見孤貞每自飭
狗祿期代耕受任亦量力幸逢休明時朝野兩薦推
一朝趨金門十載奉瑤墀入掌遷固筆出參枚馬詞
吏部既三踐中書亦五暮進無負鼎說退慙補袞詩
常恐嬰悔吝不得少酬私嗷嗷路傍子訥謗紛無已
上動明主疑下貽大臣耻毫髮顧無累冰壺邈自恃
天道何期平幽寃終見明始佐廬陵郡尋牧襄陽城
彤幃荷新寵朱黻蒙舊榮力薄慙任重恩深知命輕
飭徒畱前路行子悲且慕猶聞長樂鐘尚辨青門樹

慈親不忍訣昆弟默相顧去去勿重陳川長日云暮

初黃綬赴藍田縣作

錢起

蟠木無匠伯終年棄山樊苦心非良知安得入君門
忽忝英達顧寧窺造化恩螢光起腐草雲翼騰沈鯤
片石世可用良工心所存一叨尉京甸三省漸黎元
賢尹正趨府僕夫儼歸軒眼中縣胥色耳裏蒼生言
居人散山水卽景真桃源鹿聚入田逕鷄鳴隔嶺村
餐和俗久清到邑政空論且嘉訟庭寂前階滿芳蓀

高陵書情寄三原盧少府 韋應物

直方難爲進守此微賤班開卷不及顧沈埋案牘間

兵凶久一作互相踐徃賊豈得閑促戚下可哀寬政身
致患日夕思自退出門望故山君心儻如此攜手相
與還

歲日寄京師諸李端武等 韋應物

獻歲抱深惻僑居念歸緣常患親愛離始覺世務牽
少事河陽府晚守淮南壩平生幾會散已及蹉跎年
昨日罷符竹家貧遂留連部曲多已去車馬不復全
閑將酒爲偶默以道自詮聽松南巖寺見月西澗泉
爲政無異術當責豈望遷終理一作裏來時裝歸鑿杜
陵田

始除尚書郎別善福精舍

建中二年四月十日
九日自前櫟陽令

除尚書比
部員外郎

韋應物

簡畧非世器委身同草木逍遙精舍居飲酒自爲足
累日曾一櫛對書常懶讀社臘會高年山川恣遊矚
明世方選士中朝懸美祿除書忽到門冠帶便拘束
愧忝郎署跡謬蒙君子錄俯仰垂華纓飄颻翔輕轂
行將親愛別戀此西澗曲遠峯明夕川夏雨生衆綠
迅風飄野路一作吹
往路迴首不遑宿明晨下烟閣白雲
在幽谷

郡內閑居

韋應物

唐詩類苑 卷之五十五
棲息絕塵侶，辱鈍得自怡。腰懸竹使符，心與一作盧盧
山緇。未日一酣寢，起坐兀無思。長廊獨看雨，眾樂發
幽姿。今夕已云罷，明晨復如斯。何事能為累，寵辱豈
要辭。

晚出府舍與獨孤兵曹令狐士曹南尋朱雀

街歸里第

韋應物

分曹幸同簡，聯騎方愜素。還從廣陌歸，不覺青山暮。
翻翻鳥未沒，杳杳鐘猶度。尋草遠無人，望山多枉路。
聊參世士跡，嘗得靜者顧。出入雖見牽，忘身緣所作。
明晤

始至郡

韋應物

湓城古雄郡

一作鎮

橫江千里馳，高樹上迢遞。峻堞繞

欹危，井邑烟火晚。郊原草樹滋，洪流蕩

一作薄

北吐崇

嶺鬱南圻斯，民本樂生逃。逝竟何為早，歲屬荒歉舊。
通積如坻到，郡方逾月終。朝理亂絲賓，朋未及醮簡。
牘已云疲，昔賢播高風。得守媿無施，豈待干戈戢。且
願撫惇嫠。

縣齋

韋應物

仲春時景好，草木漸舒榮。公門且無事，微雨園林清。
泱泱水泉動，忻忻衆鳥鳴。閑齋始延矚，東作興庶甞。

唐詩類苑 卷之三百二十八
卽事翫文墨抱冲披道經於焉日澹泊徒使芳樽盈

除官去未間

白居易

除官去未間半月恣遊討朝尋霞外寺暮宿波上島
新樹少於松平湖半連草躋攀有次第賞翫無昏早
有時騎馬醉兀兀冥天造窮通與生死其柰吾懷抱
江山信為美齒髮行將老在郡誠未厭歸鄉去亦好

詠所樂

白居易

獸樂在山谷魚樂在陂池蟲樂在深草鳥樂在高枝
所樂雖不同同歸適其宜不以彼易此况論是與非
而我何所樂所樂在分司分司有何樂樂哉人不知

官優有祿料職散無羈縻賴與道相近鈍將閑自隨
昨朝拜表迴今晚行香歸歸來北牕下解巾脫塵衣
冷泉灌我頂暖水濯四肢體中幸無疾卧任清風吹
心中又無事坐任白日移或開書一篇或引酒一卮
但得如今日終身無厭時

委順

白居易

山城雖荒蕪竹樹有嘉色郡俸誠不多亦足克衣食
外累由心起心寧累自息尚欲忘家鄉誰能筭官職
宜懷齊遠近委順隨南北歸去誠可憐天涯住亦得

和我年五十七三首

白居易

屋言類友 卷之二十一
我年五十七榮名得幾許甲乙三道科蘇杭兩州主
才能本淺薄心力虛勞苦可能隨衆人終老於塵土

二

我年五十七歸去誠已遲歷官十五政數若珠纍纍
野萍始宿薦場苗初繫維因讀管簫書竊暮大有爲
及遭榮遇來乃覺才力羸黃紙詔頻草朱輪車載脂
妻孥及僕使皆免寒與饑省躬私自愧知我者微之
永懷山陰守未逐嵩陽期如何坐留滯頭白江之湄

三

我年五十七榮名得非少報國竟何如謀身猶未了

昔嘗遭官謗恩大而懲小一黜鶴辭軒七年魚在沼
將枯鱗再躍經鍛翮重矯白日上昭昭青雲高渺渺
平生頗同病老大宜相曉紫綬足可榮白頭不爲天
夙懷慕箕穎晚節期松篠何當闕下來同拜陳情表
官俸初罷親故見憂以詩諭之

白居易

七年爲少傅品高俸不薄乘軒已多慙况是一病鶴
又及懸車歲筋力轉衰弱豈以貧是憂尚爲名所縛
今春始病免纓組初擺落蝸甲有何知雲心無所著
困中殘舊穀可備歲饑惡園中多新蔬未至食藜藿

不求安師卜不問陳生藥但對丘中琴時開池上酌
信風舟不繫掉尾魚方樂親友不知我而憂我寂寞
三年爲刺史二首
白居易
三年爲刺史無政在人口唯向郡城中題詩十餘首
慙非甘棠詠豈有思人否
三年爲刺史飲水復食蘗唯向天竺山取得兩片石
此石抵千金無乃傷清白

郡中卽事

白居易

漫漫潮初平熙熙春日至今空闊遠江山晴明好天氣
外有適意物中無繫心事數篇對竹吟一盃望雲醉

行移杖扶力卧讀書取睡久養病形骸深諳閑氣味
遙思九城陌擾擾趨名利今朝是隻日朝謁多軒騎
寵者防海尤權者懷憂畏爲報高車蓋恐非真富貴

答劉禹錫白太守行

白居易

吏滿六百石昔賢輒去之秩登二千石今我方罷歸
我秩訝已多我歸慙已遲猶勝塵土下終老無休期
卧乞百日告起吟五篇詩朝與府吏別暮與州民辭
去年到郡時麥穗黃離離今年去郡日稻花白霏霏
爲郡已周歲半歲惟早饑襦袴無一片甘棠無一枝
何乃老與幼泣別盡沾衣下慙蘇人淚上愧劉君辭

唐詩類苑 卷之三百五
答故人

白居易

故人對酒歎歎我在天涯見我昔榮遇念我今蹉跎
問我爲司馬官意復如何答云且勿歎聽我爲君歌
我本蓬蓽人鄙賤劇泥沙讀書未百卷信口嘲風花
自從筮仕來六命三登科顧慙虛劣姿所得亦已多
散員足庇身薄俸可資家省分輟自愧豈爲不遇耶
煩君對盃酒爲我一咨嗟

長慶二年七月自中書舍人出守杭州路次

藍溪作

白居易

太原一男子自顧庸且鄙老逢不次恩洗拔出泥滓

既居可言地願助朝廷理伏閣三上章慙愚不稱旨
聖人存大體優貸容不死鳳詔停舍人魚書除刺史
寘懷齊寵辱委順隨行止我自得此心於茲十年矣
餘杭乃名郡郡郭臨江汜已想海門山潮聲來入耳
昔予貞元末羈旅曾遊此甚覺太守尊亦諳魚酒美
因生江海興每美滄浪水尚擬拂衣行况今兼祿仕
青山峯巒接白日烟塵起東道旣不通改轅遂南指
自秦窮楚越浩蕩五十里聞有賢主人而多好山川
是行頗爲愜所歷良可紀策馬度藍溪勝遊從此始

初領郡政衙退登東樓作

白居易

唐詩類苑 卷之二百五
鰥惇心所念簡牘手自操何言符竹貴未免州縣勞
賴是餘杭郡臺榭遶官曹凌晨親政事向晚恣遊遨
山冷微有雪波平未生濤水心如鏡面千里無纖毫
直下江最闊近東樓更高煩襟與滯念一望皆遁逃

洛中偶作

白居易

五年職翰林四年蒞潯陽一年巴郡守半年南宮郎
二年直綸閣三年刺史堂凡此十五載有詩千餘章
境興周萬象土風備四方獨無洛中作能不心悵悵
今爲春官長始來遊此鄉徘徊伊澗上睥睨嵩山傍
遇物輒一詠一詠傾一觴筆下成釋憾卷中同補亡

往往顧自哂眼昏鬚鬢蒼不知老將至猶自放詩狂

崔十六少府攝伊陽以詩及書見投因酬三

十韻

韓愈

崔君初來時相識頗未慣但聞赤縣尉不比博士慢
賃屋得連牆往來欣莫間我時亦新居觸事苦難辦
蔬餐要同喫破襖請來綻謂言安堵後貸借更何患
不知孤遺多舉族仰薄宦有時未朝餐得米日已晏
隔牆聞謹呼衆口極鵝鴈前計頓垂張居然見真贗
嬌兒好眉眼袴脚凍兩胼捧書隨諸兄累累兩角卮
人佳古寒壘秋始識瓜瓣問之不言饑飫若厭芻豢

才名三十年久合居給諫白頭趨走裏閉口絕謗訕
府公舊同袍拔擢宰山澗寄詩雜詼俳有類說鵬鷄
上言酒味酸冬衣竟未擻音患下言人吏稀惟足彪與
彪音棧又言致豬鹿此語乃善幻三年國子師腸肚習
藜苳况住洛之涯魴鱒可罩汕肯效屠門嚼久嫌弋
者篡謀拙日焦拳活計似鋤剗男寒澀詩書妻瘦剩
腰襜爲官不事職厥罪在欺謾行當自劾去漁釣老
段亂歲窮寒氣驕冰雪滑磴棧音問難屢通何由覲
清盼

縣齋有懷

韓愈

少小尚竒偉平生足悲吒猶嫌子夏儒肯學樊遲稼
事業窺臯稷文章茂曹謝濯纓起江湖綴珮雜蘭麝
悠悠指長道去去策高駕誰爲傾國媒自許連城價
初隨計吏貢屢入澤宮射雖免十上勞何能一戰霸
人情忌殊異世路多權詐蹉跎顏遂低摧折氣愈下
冶長信非罪侯生或遭罵懷書出皇都銜淚渡清灞
身將老寂寞志欲死閑暇朝食不盈腸冬衣纔掩骼
軍書旣頻召戎馬乃連跨大梁從相公彭越赴僕射
弓箭圍狐兔絲竹羅酒肴兩府變荒涼三年就休假
求官去東洛犯雪過西華塵埃紫陌春風雨靈臺夜

名聲荷朋友援引之姻婭雖陪彤庭臣詎縱青冥靶
寒空聳危闕曉色曜修架捐軀辰在丁鍛翮時方措
投荒誠職分領邑幸寬赦湖波翻日車嶺石圻天罅
毒霧恒熏晝炎風每燒夏雷威固已加颶勢仍相借
氣象杳難測聲音吁可怕夷言聽未慣越俗循猶乍
指摘兩憎嫌睚眦互猜訝祗緣恩未報豈謂生足藉
嗣皇新繼明率土日流化惟思滌瑕垢長去事桑柘
斷嵩開雲宿壓穎抗風榭禾麥種滿地梨棗栽繞舍
兒童稍長成雀鼠得驅嚇官租日輸納村酒時邀迓
閑愛老農愚歸弄小女姪如今便可爾何用畢婚嫁

平阿館赴郡

暢當

晨興平阿館見月沈江水溶溶山露披肅肅沙鷺起
奉恩謬符竹伏軾省頑鄙何得施放山愧迎小郡吏
寥落耕俗地征途清冥裏德緩乃吾民不得將庶矣
禽奸非性能多愍會襄齒恭承共理邵常懼墜諸地

封丘作

高適

州縣才難適雲山道欲窮揣摩慙黠吏棲隱謝愚公

自吟

于良史

出身三十年髮白衣猶碧日暮倚朱門從朱污袍赤
在洪州答綦母學士

張九齡

唐詩類苑 卷之三十一
旬雨不愆期由來自若時爾無言郡政吾豈欲天期
常念涓塵益惟歡草樹滋課成非所擬人望在東菑
初至犍爲作 岑參

山色軒檻內灘聲枕席間草生公府靜花落訟庭閑
雲雨連三峽風塵接百蠻到來能幾日不覺鬢毛斑
初授官題高冠草堂 岑參

三十始一命宦情都欲闌自憐無舊業不敢耻微官
澗水吞樵路山花醉藥欄祗緣五斗米辜負一漁竿
題虢州西樓 岑參

錯料一生事蹉跎今白頭縱橫皆失計妻子也堪羞

明主雖然棄丹心亦未休愁來無去處祗上郡西樓

官定後戲贈

杜甫

不作西河尉淒涼爲折腰老夫怕趨走率府且逍遙
耽酒須微祿狂歌託聖朝故山歸興盡回首向風颯

新昌里言懷

錢起

性拙偶從宦心閑多掩扉雖看北堂草不忘舊山薇
花月霽來好雲泉堪夢歸如何建章漏催着早朝衣

和大夫秋夜書情卽事

獨孤及

上畧當分闡高情善閉關忘機羣動息無戰五兵閑
鈴閣風傳漏書牕月滿山方知秋興作非惜二手斑

登郡寄京師諸季淮南子弟

韋應物

始罷永陽守復卧潯陽樓懸檻飄寒雨危堞侵一作江流迨茲聞鴈夜重憶別離秋徒有盈樽酒鎮此百端憂

郡齋贈王卿

韋應物

無術謬稱簡素餐空自嗟秋齋雨成滯山藥寒台一作濩落人皆笑幽獨歲逾賒唯君出塵意賞愛似山一作僧家

任洛陽丞答前長安由少府問

韋應物

相逢且對酒相問欲何如數歲猶卑吏家人笑著書告歸應一作未得榮宦又知疎日日生春草空令憶舊居

示從子河南尉班并序

韋應物

永泰中余任洛陽丞以撲扶軍騎時從子河南尉班亦以剛直為政俱見訟於居守因詩示意府縣好我者豈曠斯文

拙直余恒守公方爾所存同占朱鳥尅俱起小人言立政思懸棒謀身類觸藩不能林下去祇戀府庭恩

東臺去

買山家

僕每為崔白二學士話陶先生喜不遇之事且曰僕得分司東臺即足以

元稹

陶君喜不遇予每為君言今日東臺去澄心在陸渾
旋抽隨日俸併買近山園千萬崔兼白殷勤承主恩

自題

白居易

老宜官冷靜貧賴俸優饒熱月無堆案寒天不趁朝
傍看應寂寞自覺甚逍遙徒對盈樽酒兼無愁可銷

七年春題府廳

白居易

潦倒守三川因循涉四年推誠廢鈞距示耻用蒲鞭
以此稱公事將何銷俸錢雖非好官職歲久亦妨賢

別州民

白居易

耆老遮歸路壺漿滿別筵甘棠無一樹那得淚潸然
稅重多貧戶農饑足旱田唯留一湖水與汝救凶年
和令公問劉賓客歸來稱意無之作

白居易

水南秋一半風景未蕭條皂蓋迴沙苑藍輦上洛橋
閑嘗黃菊酒醉唱紫芝謠稱意那勞問請錢不早朝

初到昭應呈同僚

王建

白髮初為吏有慙年少郎自知身上拙不稱世間忙
秋雨縣牆綠暮山宮樹黃同官若容許長借老僧房

唐詩類苑 卷之三百十八
縣丞廳卽事

王建

宮殿半山上人家高下居古廳眠受魘老吏語多虛
雨水洗荒竹溪沙填廢渠聖朝收外府皆自九天除

異俗二首

時從事嶺南

李商隱

鬼瘡朝朝避春寒夜夜添未驚雷破柱不報水齊簷
虎箭侵膚毒魚鈎刺骨銛鳥言成謀詐多是恨彤襜

二

戶盡懸秦網家多事越巫未會容獺祭只是縱猪郎
點對連鰲餌搜求縛虎符賈生兼事鬼不信有洪爐

和裴僕射移官言志

張籍

身在勤勞地常思放曠時功成歸聖主位重委羣司
看壘臺邊石閑吟篋裏詩蒼生正瞻望難與故山期

初入集賢院贈李獻仁曾於常山聯官

崔峒

燕代官初罷江湖路便分九遷從命薄四十幸人聞
跡愧趨丹柰身曾繫白雲何由返滄海昨日謁明君
新移北廳因貽同院諸公兼呈暢博士

盧綸

華軒邇台座顧影忝時倫弱質偃彌曠清風來亦頻
恩輝坐凌邁景物恣芳新終乃愧吾友無容私此身

唐詩卷之三百五十一
和孟處州閒居卽事

包何

古郡鄰江嶺公庭半薜蘿
府寮閒不入山鳥靜偏過
睥睨臨花柳欄杆枕芰荷
麥秋今欲至君聽兩岐歌

資陽郡中詠懷

羊士諤

腰章非達士閉閣是潛夫
匣劍寧求試籠禽但自拘
江清牛渚鎮酒熟步兵厨
唯此前賢意風流似不孤
在郡三年今秋見白髮聊以書事

羊士諤

二毛非騎省朝鏡忽秋風
絲縷寒衣上霜華舊簡中
承明那足厭車服愧無功
日日山城守淹留豈桂叢

守郡累年俄及知命聊以言志

羊士諤

南國疑逋客東山作老夫
登朝非大隱出谷是真愚
氣直慙龍劍心清愛玉壺
聊持循吏傳早晚爲徒

題皇甫荀藍田廳

賈島

任官經一年縣與玉峯連
竹籠拾山果瓦瓶擔石泉
客歸秋雨後印鎖暮鐘前
又別丹陽浦時時夢釣船

從任

韓愈

居閒食不足從仕力難任
兩事皆害性一生恒苦心
黃昏歸私室惆悵起歎音
棄置人間世古來非獨今

唐言類文 卷之三百五十八
武功縣閑居二首

姚合

縣去京城遠爲官與隱齊
馬隨山鹿放鷄雜野禽棲
連舍惟藤架侵堦是藥畦
更師嵇叔夜不擬作書題

二

簿書多不會薄俸亦難銷
醉卧慵開眼閑行懶繫腰
移花兼蝶至買石得雲饒
且自心中樂從他笑寂寥

三

日出方能起庭前看種莎
吏來山鳥散酒熟野人過
岐路荒城少烟霞遠岫多
同官更相引下馬上西坡

冬暮城西晚眺

羅隱

謬忝蓮華幕虛沾栢署官
歌危長抱疾衰老不禁寒
時事已日過世途行轉難
千崖兼萬壑只向望中看

偶懷寄臺院孫端公

鄭谷

才拙道仍孤無何捨釣徒
班雖沾玉笋香不近金爐
雨露瞻雙闕烟波隔五湖
唯君應見念曾共伏青蒲

谷與孫端公同在諫垣

相州冬日早衙

張說

城外霄鐘歛閨中曙火殘
朝光曜庭雪宿凍聚池寒
正色臨廳事疑詞定筆端
除苛囹圄息伐枳吏人寬
河內功猶淺淮陽疾未安
鏡中星髮變頓使世情闌

唐詩類苑 卷之三百十八
初發道中贈王司馬兼寄諸公

張九齡

昔歲嘗陳力中年退屏居承顏方弄鳥放性或觀魚
曾是安疵拙誠非議卷舒林園事益簡烟月賞恒餘
不意棲愚谷無階奉詔書湛恩均大造弱植愧空虛
肅命趨仙闕僑裝撫傳車念行開祖帳憐別降題輿
誰謂風期許叨延禮數殊義沾投分末情及解攜初
追餞扶江介光輝燭里閭子雲應寂寞公緒爲吹嗟
景物春來異音容日向疎川原行稍穩鐘鼓聽猶徐
林隔王公輦雲迷班氏廬戀親唯委咽思德更躊躇

狗義當由此懷安乃闕如願酬明主惠行矣豈徒歟

至桃林塞作

崔湜

去國未千里離家已再旬丹心恒戀闕白首更辭親
懷壁嘗貽訓捐金詎得隣抱冤非忤物罹謗豈尤人
不濫辭終辨無瑕理竟申黻還中省舊符與外臺新
塞上同遷客江潭異逐臣淚垂非屬峴腸斷固由秦
歲月行遒盡山川難重陳始知亭伯去還是拙謀身

縣中池竹言懷

錢起

官小志已足時清免負薪卑棲且得地榮耀不關身
自愛賞心處叢篁流水濱荷香度高枕春色滿南隣

道在卽爲樂機忘寧厭貧却愁丹鳳詔來訪漆園人

郡齋讀經

羊士諤

壯齡非濟物柔翰誤爲儒及此齋心暇儵然與道俱
散材誠獨善正覺豈無徒半偈蓮生水幽香桂滿爐
息陰慙蔽芾講義得醍醐跡似桃源客身嬰竹使符
華夷叅史事巴漢混州圖偃草懷君子移風念嗇夫
翳桑俄有績宿麥復盈租圓寂期超詣凋殘幸已蘇
解空囊不智滅景谷何愚幾日遵歸轍東菑殆欲蕪
得替後書懷上第五相公 耿 漳

誰語恹惶客偏承顧盼私應逾骨肉分敢忘死生期

山縣唯荒壘雲屯盡老師庇人寧目代食蘖謬相推
黃綬名空罷青春鬢又衰還來掃門處猶未報恩時
獨立花飛滿無言月下遲不知丞相意更欲遣何之

晚歸早出

白居易

筋力年年減風光日日新退衙歸逼夜拜表出侵晨
何處臺無月誰家池不春莫言無勝地自是少閑人
坐厭推囚案行嫌引馬塵幾時辭府印却作自由身
諫議以罷郡將歸以六韻賜示因佇訓獻

皮日休

欲下持衡詔先容解印歸露濃春後澤霜薄霽來威

唐言類考 卷之三百二十八
舊化堪治疾餘恩可療饑隔花攀去棹穿柳挽行衣
佐理能無取酬知力甚微空將千感淚異日拜黃扉

初到郡齋寄錢湖州李蘇州

聊取二郡一哂
故有落句之戲

白居易

俱來滄海郡半作白頭翁謾道風烟接何曾笑語同
吏稀秋稅畢客散晚庭空霽後當樓月潮來滿座風
雪溪殊冷僻茂苑太繁雄唯此錢塘郡閑忙恰得中

去歲罷杭州今春領吳郡慙無善政聊寫鄙

懷兼寄三相公

白居易

為問三丞相如何秉國鈞那將最劇郡付與苦慵人

豈有吟詩客堪為持節臣不才空飽緩無惠及饑貧
昨卧南城月今行北境春鈇刀磨欲盡銀印換何頻
杭老遮車轍吳童掃路塵虛迎復虛送慙見兩州民

自罷河南已換七尹每一入府悵然舊遊因

宿內廳偶題四壁兼呈韋尹常

白居易

每入河南府依然以到家孟嘗七尹酒樹着十年花
且健須歡喜雖衰莫歎嗟迎門無故吏侍坐有新娃
暖閣謀宵宴寒庭放晚衙主人留宿定一任夕陽斜
自到郡齋僅經旬日方專公務未及宴遊偷

唐言類苑 卷之三百二十八
閑走筆題二十四韻兼寄常州賈舍人湖州崔郎中仍呈吳中諸客

白居易

渭北離鄉客江南守土臣涉途初改月入境已經旬
甲郡標天下環封極海濱版圖十萬戶兵籍五千人
自顧才能少何堪寵命頻冒榮慙印綬虛獎負絲綸
候病須通脉防流要塞津救煩無若靜補拙莫如勤
削使科條簡攤令賦役均以慈爲報効安敢不躬親
襦袴提於手韋弦佩在紳敢辭稱俗吏且願活疲民
常未徵黃霸湖猶借寇恂愧無鐺脚政徒忝犬牙鄰

制詔誇黃絹詩篇占白蘋銅符拋不得瓊樹見無因
警寐鐘傳夜催衙鼓報晨唯知對胥吏未暇對親賓
色變雲迎夏聲殘鳥過春麥風非逐扇梅雨異隨輪
武寺山如故王樓月自新池塘閑長草絲竹廢生塵
暑遣燒神耐晴教曬舞茵待還公事了亦擬樂吾身
分司初到洛中偶題六韻兼戲呈馮尹

白居易

相府念多病春宮容不才官銜依口得俸祿逐身來
白首林園在紅塵車馬迴招呼新客旅掃掠舊池臺
小舫宜攜樂新荷好蓋盃不知金谷主是晚賀筵開

厚言類文 卷之百三十八
詔授同州刺史病不赴任因詠所懷

白居易

同州慵不去此意復誰知誠愛俸錢厚其如身力衰
可憐病判案何似醉吟詩勞逸懸相遠行藏決不疑
徒煩人勸諫只合自尋思白髮來無限青山去有期
野心惟怕鬧家口莫愁饑賣却新昌宅聊充送老資
謹和諫議罷郡敘懷六韻 陸龜蒙

已報東吳政初捐左契歸天應酬苦節人不犯寒威
江上思重借朝端望載饑紫泥封夜詔金殿賜春衣
對酒情何遠裁詩賜極微待升鎔造日江海問漁扉

蒙恩除替將還京洛偶叙所懷因成六韻呈
軍事院諸公郡中一二秀才

崔璞

兩載求人瘼三春受代歸務繁多簿籍才短乏恩威
共理垂天獎分憂值歲饑遽蒙交郡印安敢整朝衣
作牧慙爲政思鄉念式微倘容還故里高卧掩柴扉
昔事文皇帝三十二韻 杜牧

昔事文皇帝叨官在諫垣奏章爲得地齧齒負明恩
金虎知難動毛氈亦耻言撩頭雖欲吐到口却成吞
照膽常懸鏡窺天自戴盆周鍾旣窳槲黥陣亦癩痕

鳳闕觚稜影仙盤曉日暎雨餘文石滑風暖戟衣翻
每慮號無告長憂駭不存隨行唯跼蹐出語但寒暄
宮省咽喉任戈矛羽衛屯光塵皆影附車馬定西奔
億萬持衡價錙銖挾契論堆時過北斗積處滿西園
接棹隨河溢連蹄蜀棧刈漉空滄海水搜盡卓王孫
鬪巧猴雕刺誇趨索掛跟狐威假白額梟嘯得黃昏
馥馥芝蘭圃森森枳棘藩吠聲嗾國衛公議怯膺門
竄逐諸丞相蒼茫遠帝閣一名爲吉士誰免弔湘魂
間世英明主中興道德尊崑崗憐積火河漢注清源
川口隄防决陰車鬼怪掀重雲開朗照九地雪幽冤

我實剛腸者形甘短褐髡曾經觸蠆尾猶得凭熊軒
杜若芳洲翠巖光釣瀨暄溪山侵越角封壤盡吳根
客恨縈春細鄉愁壓思繁祝堯千萬壽再拜揖樽餘

封丘縣

高適

我本漁樵孟諸野一生自是悠悠者乍可狂歌草澤
中寧堪作吏風塵下祗言小邑無所爲公門百事皆
有期拜迎官長心欲碎鞭撻黎庶令人悲歸來向家
問妻子舉家盡笑今如此生事應須南畝田世情付
與東流水夢想舊山安在哉爲銜君命日遲迴乃知
梅福徒爲爾轉憶陶潛歸去來

南梁行

李紳

江城鬱鬱春草長悠悠漢水浮清光雜英飛盡空書
景綠楊重陰官舍靜此時醉客縱橫書公言可薦承
明廬青天詔下寵光至頒籍金閨徵石渠秭歸山路
烟嵐隔山木幽深晚花折澗底紅光奪火燃搖風扇
毒愁行客杜鵑啼咽花亦殷聲悲絕艷連空山斜陽
瞥影淺深水雲雨翻迷巖谷間山鷄錦質矜毛羽透
出穿蘿命儔侶喬木幽谿上下同雄雌不惑飛棲處
望秦峯迥過商顏浪疊波堆萬族山行盡杳冥青
外九重鐘漏紫霄間元和列侍明光殿諫草初焚市

朝變北闕趨臣半隙塵南梁吟嘯皆飛霰追思感歎
却昏迷霜鬢愁吟到曉鷄故篋歲深開斷簡秋堂月
曉掩遺桂鳴鳴曉角霞輝粲撫劍長楹一長歎芻狗
無由學聖賢空持感激終昏旦

和裴令公一日日一年年離言見贈

白居易

一日一日作老翁一年一年過春風公心不以貴隔
我我願唯將閑伴公我無才能忝高秩合是人間閑
散物公有功德在生民何因得作自由身前日魏王
潭上宴連夜今日午橋地頭遊更晨山客硯前吟待

日野人樽前醉送春不敢與公閑中爭第一亦應占
得第二第三人

初至封丘作

高適

可憐薄暮宦遊子獨卧虛齋思無已去家百里不得
歸到官數日秋風起

縣內閑居贈溫公

韋應物

滿郭春色嵐已昏鷓鴣栖散吏掩重門雖居世網常清
淨夜對高僧無一言

自責

元稹

犀帶金魚束紫袍不能將命報分毫他時得見牛常

侍爲爾君前捧珮刀

通州

元稹

平生欲得山中住天與通州遶郡山睡到日西無一
事月儲三萬買教閑

和微之任校書郎日過三鄉

白居易

三鄉過日君年幾今日君年五十餘不獨年催身亦
變校書郎變作尚書

蘇州故吏

白居易

江南故吏別來久今日池邊識我無不獨使君頭似

雪華亭鶴死白蓮枯

別草堂三絕句

白居易

正聽山鳥向陽眠黃紙除書落枕前為感君恩須暫
起鑪峯不擬住多年

又眠褐被為居士忽挂緋袍作使君身出草堂心不
出廬山未要勒移文

三間茅舍向山開一帶山泉遶舍迴山色泉聲莫恚
悵三年官滿却歸來

登郡前山

羊士諤

洛陽歸客滯巴東處處山櫻雪滿叢峴首當時為風

景豈將官舍作池籠

建節後詩

楊汝士

拋却弓刀上砌臺上方樓殿翠雲開山僧見我衣裳
窄知道新從戰地來

烏程

羅隱

兩府攀陪十五年郡中甘雨幕中蓮一餅猶是烏程
酒須對霜風淚泫然

思歸絕句以寄澈公

韋丹

王事紛紛無暇日浮生冉冉只如雲已為平
計五老巖前必共聞歸休

題張藍田訟堂

錢起

角巾高枕向晴山
訟簡庭空不用關
秋風牕下琴書靜
夜一作落景門前人吏閑
稍覺淵明歸思遠
東臯月出片雲還

留題郡齋

白居易

吟山歌水嘲風月
便是三年官滿時
春為醉眠多閉閣
秋因晴望暫褰帷
更無一事移風俗
唯化州民解詠詩

郡齋夜坐寄舊鄉二姪

許渾

千官奉職袞龍垂
旅卧淮陽鬢日衰
三月已垂棠樹

政二年空負竹林期
樓侵白浪風來遠
城抱丹巖日到遲
長欲挂帆君莫笑
越禽花晚夢南枝

移攝太平寄前李明甫

許渾

病移一作多巖邑稱閑身
何處風光貰酒頻
溪柳遶門彭澤令
野花連洞武陵人
嬌歌自駐壺中景
艷舞長留海上春
早晚高臺更同醉
綠蘿如帳草如茵

自題

白居易

功名宿昔人多許
寵辱斯須自不知
一旦失恩先左降
三年隨例未量移
馬頭覓角生何日
石火敲光住幾時
前事是生俱若此
空門不去欲何之

厚言類考 卷之百二十一
初到江州寄翰林張李杜三學士

白居易

早攀霄漢上天衢，晚落風波委世途。
雨露施恩無厚薄，蓬蒿隨分有榮枯。
傷禽側翅驚弓箭，老婦低顏事舅姑。
碧落三仙曾識面，深記得姓名無。

郡中閑獨寄微之及崔湖州

白居易

少年賓飾非吾輩，晚歲簪纓束我身。
酒散更無同宿客，詩成長作獨吟人。
蘋洲會面知何日，鏡水離心又一春。
兩處也應相憶在，官高年長少情親。

初到忠州贈李六

白居易

好在天涯李使君，江頭相見日黃昏。
吏人生硬都如鹿，市井蕭疎只抵村。
一隻蘭船當驛路，百層石磴上州門。
更無平地堪行處，虛受朱輪五馬恩。

贈皇甫六張十五李二十三賓客

白居易

昨日三川新罷守，今年四皓盡分司。
幸陪散秩閑居日，好是登山臨水時。
家未苦貧常醞酒，身雖衰病尚吟詩。
龍門泉石香山月，早晚同遊報一期。

和夢得

白居易

唐言類考 卷之三百五十八
夢得來詩云謾讀圖書四十車年年爲郡老天涯
一生不得文章力百口空爲飽暖家

綸閣沈沈無寵命蘇臺籍籍有能聲豈唯不得清文
力但恐空傳冗吏名郎署廻翔何水部江湖留滯謝
宣城所嗟非獨君如此自古才難共命爭

初到洛下閑遊

白居易

漢庭重少身宜退洛下閑居迹可逃
趣伴入朝應老醜尋春放醉尚
矍豪詩攜綵紙親裝卷酒興
緋花舊賜袍曾在東方千騎上
至今躑躅馬頭高

分司

白居易

散帙留司殊有味最宜病拙不才身
行香拜表爲公事碧洛青嵩當主人
已出閑遊多到夜却歸慵卧又
徑旬錢塘五馬留三匹還擬騎遊
攬擾春

初到江州

白居易

潯陽欲到思無窮庾亮樓南湓口東
樹木凋疎山雨後人家低濕水烟中
菰蔣餒馬行無力蘆荻編房卧
有風遙見朱輪來出郭相迎勞動使君公

結綬鄆郊縻攝府署偶有自詠

鄭谷

鶯離寒谷士逢春釋褐來年暫種芸
自笑老爲梅少

唐詩類苑 卷之三百一
府可堪貧攝鮑參軍酒醒往事多興念吟苦鄰居必
厭聞推却簿書搔短髮落花飛絮正紛紛

承恩量移宰江邑臨鄱江悵然之作

李嘉祐

四年謫宦滯江城未厭門前鄱水清誰言宰邑化黎
庶欲別雲山如弟兄雙鷗爲底無心狎白髮從他繞
鬢生惆悵閑眠臨極浦夕陽秋草不勝情

離闕下日感恩

李建勳

二年塵冒處中台喜得南歸退不才卽路敢期皇子
送出關猶有御書來未知天地恩何報翻對江山思

莫開斜日葦汀凝立處遠波微颺翠如苔

罷所奏詩

李紳

昔年從宦干戈地黃綬青春一魯儒弓犯控絃招武
族劍當抽匣問狂夫帛書投筆封魚腹立髮衝冠採
虎鬚談笑謝金何所貴不爲偷買用兵符

初授太府丞言懷

王建

除書亦下一作不屬微班喚作官門便不閑檢案事多
關市井聽人言志在雲山病童喚着唯行慢老馬鞭
多轉放頑此去仙宮無一里遙看松樹衆家攀

郡中有懷寄上睦州員外十三兄歙州刺史

邢羣

杜牧

城枕溪流淺更斜
麗譙連帶邑人家
經冬野菜青青色
未臘山梅樹樹花
雖免瘴雲生嶺上
未無京信到天涯
如今歲晏從羈滯
心喜彈冠事不賒

郡齋寓興

劉兼

依約樊川似旭川
郡齋風物盡蕭然
秋庭碧蘚鋪雲錦
晚閣紅蕖簇水仙
醉筆語狂揮粉壁
歌梁塵亂拂花鈿
情懷放蕩無羈束
地角天涯亦信緣

登郡樓書懷三首

劉兼

烟雨樓臺漸晦冥
錦江澄碧浪花平
卞和未雪荆山

耻莊舄空傷越國情
天際寂寥無鴈下
雲端依約有僧行
登高欲繼離騷詠
魂斷愁深寫不成

邊郡荒涼悲且歌
故園迢遞隔烟波
琴聲背俗終如是
劍氣衝星又若何
朝客漸通書信少
釣舟頻引夢魂多
北山更有移文者
白首無塵歸去麼

莫嗔阮氏哭途窮
萬代深沈恨亦同
瑞玉豈知將抵鵠
鉛刀何事却屠龍
九夷欲適嗟吾道
五柳終歸効古風
獨倚郡樓無限意
滿江烟雨正冥濛

郡樓閑望書懷

劉兼

郡城樓閣遶江濱
風物清秋入望頻
銅鼓祭龍雲塞

廟蘆花飄市雪粘人蓮披淨沼羣香散鷺點寒烟玉
片新歸去杜陵池館在且將朝服拂埃塵

偶聞官吏舉請輒有一篇寄呈成都府從弟

舍人

劉兼

官吏潛陳借寇詞宦情鄉夢兩相違青城錦水無心
住紫閣蓮峯有意歸張翰鱸魚因醉憶孟光書信近
春稀黃茅瘴色看看起貪者猶疑別是機

郡中言懷寄西川蕭員外

羊士諤

功名無力愧勤王已近終南得草堂身外盡歸天竺
偈腰間唯有會稽章何時臈酒逢山客可惜樵枝

石牀歲晚我知仙客意懸心應在白雲鄉

郡齋感物寄長安親友

羊士諤

晴天春意無窮過臈江樓日日風瓊樹花香故人
別蘭卮酒色去年同閑吟鈴閣巴歌裏回首神臯瑞
氣中自愧朝衣猶在篋歸來應是白頭翁

春日隱居官舍感懷

李洞

風吹燒燼雜汀沙還似青溪舊寄家入戶竹生牀下
葉隔牕蓮謝鏡中花苔房毳客論三學雪嶺巢禽看
兩衙銷得人間無限事江亭月白誦南華

蘇州元日郡齋感懷寄越州元相公杭州白

舍人

李諒

稱慶還鄉郡吏歸端憂明發儼朝衣首開三百六旬
曆新知四十九年非當官補拙猶勤慮遊宦量才已
息機舉族共資隨月俸一身唯憶故山薇舊交邂逅
封疆近老牧蕭條宴賞稀書札每來同笑語篇章時
到借光輝絲綸暫厭分符竹舟楫初登擁羽旗未知
今日情何似應與幽人事有違

遭讒

隴右途中遭非語

員半千

趙有兩毛遂曾聞二曾參慈母猶且惑况在行路心

冠冕無醜士賄賂成知己名利我所無清濁誰見理
弊服定庭春緩帶不着身出遊非懷壁何憂乎忌人
正須自保愛振衣出世塵

被彈

沈佺期

知人昔不易舉非貴易失爾何按國章無罪見呵叱
平生守直道遂為衆所嫉少以文作吏手不曾開律
一旦法相持荒忙意如漆幼子雙囹圄老夫一念室
昆弟兩三人相次俱囚桎萬鑠當衆怒千謗無片實
庶以白黑讒顯此涇渭質劾吏何咆哮晨夜聞樸扶
事間拾虛證理外存枉筆懷痛不見申抱冤竟難息

唐言類友 卷之二十一
窮囚多垢膩愁坐饒蟣蝨三日唯一飯兩旬不再櫛
是時盛夏中曠赫多瘳疾瞪目眠欲閉暗鳴氣不出
有風自扶搖鼓蕩無倫匹安得吹浮雲令我見白日
上崔相百憂章時在潯陽獄李白
共工赫怒天維中摧鯤鯨噴蕩揚濤起雷魚龍陷人
成此禍胎火焚崑山玉石相碓仰希霖雨灑寶炎煨
箭發石開戈揮日迴鄒衍慟哭燕霜颯來微誠不感
猶繫夏臺蒼鷹搏攫丹棘崔嵬豪聖凋枯王風傷哀
斯文未喪東嶽豈頽穆逃楚難鄒脫吳災見機苦遲
二公所哈驥不驟進麟何來哉星離一門草擲二孩

萬憤結緝憂從中催金瑟玉壺盡爲愁媒舉酒太息
泣血盈杯台星再朗天網重恢屈法申恩棄瑕取材
冶長非罪尼父無猜覆盆儻舉應照寒灰

雪讒詩贈友人

李白

嗟余沈迷猖獗已久五十知非古人常有立言補過
庶存不朽包荒匿瑕蓄此頑醜月出致譏貽愧皓首
感悟遂晚事往日遷白壁何辜青蠅屢前羣輕折軸
下沈黃泉衆毛飛骨上陵青天萋斐暗成貝錦粲然
泥沙聚埃珠玉不鮮洪燄爍山發自織烟滄波蕩日
起於微涓交亂四國播於八埏拾塵掇蜂疑聖猜賢

唐言類考 卷之三百一
哀哉悲夫誰察余之貞堅彼婦人之猖狂不如鵲之
疆疆彼婦人之淫昏不如鶉之奔奔坦蕩君子毋悅
簧言擢髮贖罪罪乃孔多傾海流惡惡無以過人生
實難逢此織羅積毀銷金沈憂作歌天未喪文其如
余何姐已滅紂褒女惑周天維蕩覆職此之由漢祖
呂氏食其在傍秦皇太后毒亦淫荒蟠竦作昏遂掩
太陽萬乘尚爾匹夫何傷辭殫意窮心切理直如或
妄談昊天是殛子野善聽離婁至明神靡遁響鬼無
逃形不我遐棄庶昭忠誠

懼讒

李白

二桃殺三士詎假劍如霜衆女妬娥眉雙花竟春芳
魏姝信鄭袖掩袂對懷王一惑巧言子朱顏成死傷
行將泣團扇戚戚愁人腸

送薛九被讒去魯

李白

宋人不辨玉魯賤東家丘我笑薛夫子胡爲兩地遊
黃金消衆口白璧竟難投梧桐生蒺藜綠竹乏佳實
鳳皇宿誰家送與羣鷄匹田家養老馬窮士歸其門
蛾眉笑蹙者賓客去平原却斬美人首三千還駿奔
毛公一挺劍楚趙兩相存孟嘗悅狡兔三窟賴馮諼
信陵奪兵符爲用侯生言春申一何愚刎首爲李園

賢哉四公子撫掌黃泉裡借問笑何人笑人不好士
爾去且勿誼桃李竟何言沙丘無漂母誰肯飯王孫

萬憤辭投魏郎中

李白

海水渤潏人罹鯨鯢翫胡沙而四塞始滔天於燕齊
何六龍之浩蕩遷白日於秦西九土星分磬磬棲棲
南冠君子呼天而啼戀高堂而掩泣泪血地而成泥
獄戶春而不草獨幽怨而沈迷兄九江兮弟三峽悲
羽化之難齊穆陵關北愁愛子豫章天南隔老妻一
門骨肉散百草遇難不復相提攜樹榛拔桂囚鸞寵
鷄舜昔授禹伯成耕犁德自此衰吾將安栖好我者

恤我不好我者何忍臨危而相擠子胥鴟夷彭越醢
醢自古豪烈胡爲此繫蒼蒼之天高乎視低如其聽
卑脫我牢狴倘辨美玉君收白珪

上長史王公責躬

儲光羲

覆舟無伯夷覆居無仲尼自咎失明義寧由貝錦詩
松栢日已堅桃李日以滋願已獨暗昧所居成蒺藜
大賢薦時文醜婦用蛾眉惕惕愧不已豈敢論其私
方朔既有言子建亦有詩惻隱及先世析薪成自悲
靈鳥酬德輝黃雀報仁慈若公庶伏罪此事安能遲
君子勿鬱鬱士有謗毀者作詩以贈之二首

孟郊

君子勿鬱鬱聽我青蠅歌人間少平地森聳山岳多
折輪不在道覆舟不在河須知一尺水日夜增高波
叔孫毀仲尼臧倉掩孟軻蘭艾不同香自然難為和
良玉燒不熱直竹文不頗自古皆如此其如道在何

二

日往復不見秋堂暮仍學玄髮不知白曉入寒銅覺
為林未離樹有玉猶在璞誰把碧梧枝刻作雲門樂

古意贈梁肅補闕

孟郊

曲木忌日影讒人畏賢明自然照燭間不受邪佞輕

不有百鍊火孰知寸金精金鉛正同鑪願分精與麤

答晝上人止讒作

孟郊

烈烈鸞鶯吟鏗鏗琅玕音梟摧明月嘯鶴起清風心
渭水不可渾涇流徒相侵俗似唱桃葉隱仙一作鳴
桂琴子野真遺却浮淺藏淵深

寄浙右幕中

孟遲

遲陳商門生為浙西掌書記以讒罷至淮南崔相
國秦掌書記後以詩寄浙右幕中

由來惡舌駟難追自古無媒謗所歸句踐豈能容范
蠡李斯何暇救韓非巨拳豈為鷄揮肋強弩那因鼠

唐言類考 卷之三百五
發機慚愧故人同鮑叔此心江柳尚依依

誠是非

劉兼

巧舌如簧總莫聽是非多自愛憎生二人告母雖投
杼百犬聞風只吠聲辨玉且寬和氏罪誣金須認不
疑情因思疇昔遊談者六國交馳亦受烹

唐詩類苑卷第一百二十八終

唐詩類苑卷第一百二十九

明雲間張之象玄超甫纂輯

雲間李中立士強甫編次

雲間王徹叔朗甫補訂

梁谿曹仁孫伯安甫校正

人部

貶謫

聞庾七左降因詠所懷

白居易

我病卧渭北君老謫巴東相悲一長歎薄命與君同
既歎還自哂哂歎兩未終後心諂前意所見何迷蒙

人生大塊間如鴻毛在風或飄青雲上或落泥塗中
衮服相天下儻來非我通布衣委草莽偶去非吾窮
外物不可必中懷須自空無令怏怏氣留滯在心膂

遷客

鄭谷

離夜聞橫笛可堪吹鷓鴣雪冤知早晚雨泣渡江湖
秋樹吹黃葉臘烟垂綠蕪虞翻歸有日莫便哭窮途

柳江遷客

羅隱

不是逢清世何由見皂囊事雖危虎尾名勝泊鴛行
毒霧柳江闊愁雲楚驛長歸時有詞賦一爲弔沈湘

送客南遷

白居易

我說南中事君應不願聽曾經身困苦不覺語叮嚀
燒處愁雲夢波時憶洞庭春畚烟勃勃秋瘴霧冥冥
蚊蚋經冬活魚龍欲雨腥水蟲能射影山鬼解藏形
穴掉巴蛇尾林飄鳩鳥翎颶風千里黑藝草四時青
客似驚弦鴈舟如委浪萍誰人勸言笑何計慰漂零
慎勿琴離膝常須酒滿瓶大都從此去宜醉不宜醒

送南遷客

張籍

去去遠遷客瘴中衰病身青山無限路白首不歸人
海國戰騎象蠻州市用銀一家分幾處誰見日南春

送遷客二首

于鵠

得罪誰人送來時不到家白頭無侍子多病向天涯
莽蒼凌江水黃昏見塞花如今賈誼賦不漫說長沙

二

流人何處去萬里向江州孤驛瘴烟重行人巴草秋
上帆南去遠送鴈北看愁遍問炎方客無人得白頭

送遷客

僧齊已

天涯卽愛州謫去莫多愁若似承恩寵何如佞主休
瘴昏銅柱黑草赤火山秋應想堯堦下當時獬豸頭

湘中秋懷遷客

崔塗

蘭杜曉香薄汀洲客露繁併聞無塞鴈獨立楚人村

霧散孤城上灘迴曙枕暄不堪逢賈傅還欲弔湘沅

寄遷客

張祐

萬里南邊路辛勤嶺路遙溪行逢水弩野店避山魈
瘴海須求藥貪泉莫舉瓢但能堅志義白日甚昭昭

送徐彥夫南遷

張祐

萬里客南遷孤城漲海邊瘴雲秋不斷陰火夜長然
月上行虛市風迴望船舶知君還自潔更爲酌貪泉

聞王昌齡左遷龍標尉遙有寄此

昌齡江寧人第進士補祕書郎又中宏詞科遷泥
水令不護細行貶龍標尉以世亂還鄉里爲刺史

唐言卷之九
閻丘曉所殺張鎬按軍河南兵大集曉最後期將
戮之辭曰有親乞貸餘命鎬曰王昌齡之親欲與
誰養曉默然昌齡工詩縝密而思清時謂王江寧
云

李白

楊花落盡子規啼聞道龍標過五溪我寄愁心與明
月隨君直到夜郎西

左遷至藍關示姪孫湘

韓愈

一封朝奏九重天夕貶朝陽路八千欲爲聖明除弊
事肯將衰朽惜殘年雲橫秦嶺家何在雪擁藍關馬

不前知汝遠來應有意好收吾骨瘴江邊

入鬼門關

沈佺期

昔傳瘴江路今到鬼門關土地無人老流移幾客還
自從到京洛頽鬢與衰顏夕宿舍沙裏晨行岡路間
馬危千仞谷舟險萬重灣問我投何地西南盡百蠻

被出濟州

王維

微官易得罪謫去濟川陰執政方持法明君照此心
閭閻河潤上井邑海雲深縱有歸來日各愁年鬢侵

寄穆侍御出幽州

王昌齡

一從恩譴度瀟湘塞北江南萬里長莫道薊門書信

唐言類考 卷之三百五十九
少鴈飛猶得到衡陽

神龍初廢逐南荒途出榔口北望蘇耽山

沈佺期

少曾讀仙史知有蘇耽君流望來南國依然會昔聞
泊舟問耆老遙指孤山村孤山榔郡北不與衆山羣
重崖下縈映嶮嶢上糾紛碧峯泉附落紅壁樹傍分
選地今方爾升天因可云不才予竄迹羽化子遺芬
將覽成麟鳳旋驚禦鬼文此中迷出處含思獨氛氲

貽袁三拾遺謫作

儲光羲

傾蓋洛之濱依然心事親龍門何以峻曾是好詞人

珥筆朝丹陛含章諷紫宸帝城多壯觀被服長如春
天子儉爲德而能清約身公卿盡虛位天下自趣塵

望美令德聲何已高帝黜儒生文皇謫才子
朝廷非不盛譴謫良難恃路出大江陰川行碧峯裡
斯言徒自玷白玉豈爲滓希聲盡衆人深識唯知己
知己怨生離悠悠天一涯寸心因夢斷孤憤爲年移
花滿芙蓉闕春心朝夕池空令千萬里長望白雲垂

謫居悼往二首

劉禹錫

邑邑何邑邑長沙地卑濕樓上見春多花前恨風急
猿愁腸斷叫鶴病翹趾立牛衣獨自眠誰哀仲卿泣

唐言類考 卷之三十一
二
鬱鬱何鬱鬱長安遠於日終日念鄉關燕來鴻復還
潘岳歲寒思屈平顛顛顏殷勤望歸路無雨即登山

送郝昂謫巴中

李白

瑤草寒不死移值滄江濱東風灑雨露會入天地春
余若洞庭葉隨波送逐臣思歸未可得書此謝情人

送鄭侍御謫閩中

高適

謫去君無恨閩中我舊過大都秋鴈少只是夜猿多
東路雲山合南天瘴癘和自當逢雨露行矣慎風波

謫居此州

劉長卿

何事長沙謫相逢楚水秋暮帆歸夏口寒雨對巴丘
帝子椒漿奠騷人木葉愁誰憐萬里外離別洞庭頭

送薛八謫居

錢起

東水將孤客南行路幾千虹翻潮上雨鳥落瘴中天
謫去寧留恨思歸豈待年銜杯且一醉別淚莫潸然
顏惠詹事即孤妣舅氏謫官黔巫舟中相遇

愴然有寄

鄭谷

猶子在天末念渠懷渭陽巴山偶會遇江浦共悲涼
謫宦君何遠窮游我自強瘴村三月暮雨熟野梅黃

送韋覲謫潘州司馬

李明遠

唐言類考 卷之三百二十九
北鳥飛不到南人誰去遊天涯浮瘴水嶺外向潘州
草木春秋暮猿猱日夜愁定知遷客淚應只對君流

寄南浦謫官

鄭谷

多才翻得罪天末抱窮憂白首為遷客青山遶萬州
醉歆梅障曉歌厭竹枝秋望闕懷鄉淚荆江水共流

別謫者

李昌符

此地聞猶惡人言是所之一家書絕久孤驛夢成遲
八月三湘道聞猿冒雨時不須祠楚相臣節轉堪疑

賦得送賈島謫長江

李洞

敲驢吟雪月謫出國西門行傍長江影愁深汨水冤

筇攜過竹寺琴典在花村饑拾

一作食

山松

知賈

傅孫

負謫後登千越亭作

又作十

劉長卿

天南愁望絕亭上柳條新落日獨歸鳥孤舟何處人

生涯投越

一作嶺

傲世業陷胡

一作邊

塵杳杳鍾陵暮悠

悠鄙水春

一作江入千峯
早花連百越春

秦臺悲白首楚澤怨青蘋

草色迷征路鶯聲傷逐臣獨醒空

一作離翻

取笑直道不

容身得罪風霜苦全生天地仁青山數行淚滄海一

窮鱗牢落機心盡惟憐鷗鳥親

江南謫居十韻

白居易

自哂沈冥客曾爲獻納臣壯心徒許國薄命不如人
纔展凌雲翅俄成失水鱗葵枯猶向日蓬斷卽辭春
澤畔長愁地天邊欲老身蕭條殘活計冷落舊交親
草合門無徑烟消甑有塵憂方知酒聖貧始覺錢神
虎尾難容足羊腸易覆輪行藏與通塞一切任陶鈞

送畢侍御謫居

錢起

崇蘭香死玉簪折志士吞聲甘狗節忠盡不爲明主
知悲來莫向時人說滄浪之水見心清楚客辭天淚
滿纓百鳥喧喧噪一鶚上林高枝亦難托寧嗟人世
棄虞翻且喜江山得康樂自憐黃綬老嬰身妻子朝

來勸隱淪桃花洞裏舉家去此別相思復幾春

謫居海上

熊皦

家臨涇水隔秦川來往關河路八千堪恨此身何處
老始皇橋畔又經年

謫官後卧病官舍簡賀蘭侍郎

劉長卿

青春衣繡共稱

一作繡服正相

宜白首垂

一作髮如

絲恨不遺江

上幾回今夜月鏡中無復少年時生還北闕誰相

一作

將一作能

引老向南邦衆所悲歲歲任他芳草綠長沙未

有定歸期

唐言類考 卷之三百三十九
謫官辰州冬至日懷

戎昱

去年長至在長安策杖曾簪獬豸冠此歲長安逢至
日下堦遙想雪霜寒夢隨行伍朝天去身寄窮荒報
國難北望南郊消息斷江頭唯有淚闌干

將之瀘郡旅次遂州遇裴晤員外謫居於此

話舊淒涼因寄二首

鄭谷

誰解登高問上玄謫仙何事謫詩仙雲遮列宿離華
省樹陰澄江入野船黃鳥晚啼愁瘴雨青梅早落中
蠻烟不知幾首南行曲留與巴兒萬古傳

昔年共照松溪影松折溪荒僧已無今日同思錦城

事雪鋪花謝夢何殊亂離未定身俱老騷雅全休道
甚孤我拜師門更南去荔枝春熟向渝瀘

謫居

白居易

面瘦頭斑四十四遠謫江州爲郡吏逢時棄置總不
才未老衰羸爲何事火燒寒澗松爲燼霜降春花
委地遭時榮悴一時間豈是昭昭上天意

送張瑤貶五溪尉

高適

他日維楨幹明時懸鑊鉞江山遙去國妻子獨還家
離別無嫌遠沈浮勿強嗟南登有詞賦知爾弔長沙

貶樂城尉

張子容

竄謫邊窮海川原近惡溪有時聞虎嘯無夜不猿啼
地暖花常發巖高日易低故鄉可憶處遙指斗牛西

送裴郎中貶吉州

劉長卿

亂軍交白刃一騎出黃塵漢節同歸闕江帆共逐臣
猿愁岐路晚梅作異方春知己鄴侯在應憐脫粟人

送李侍御貶郴州

劉長卿

洞庭波渺渺君去弔靈均幾路三湘水全家萬里人
聽猿明月夜看柳故年春憶想汀洲畔傷心向白蘋

送李使君貶連州

劉長卿

獨過長沙去誰憑此路愁秋風散千騎寒雨泊孤舟

賈誼辭明主蕭何識故侯漢廷當自召湘水但空流

送李侍御貶鄱陽

此公近由
此州使迴劉長卿

迴車仍昨日謫去已秋風干越知何處雲山只向東
暮天江色裏田鶴稻花中却見鄱陽吏猶應舊馬驄

送人流貶

李益

漢章雖約法秦律已除名謗遠人多惑官微不自明
霜風先獨樹瘴雨失荒城疇昔長沙事三年召賈生

送鄭明府貶嶺南

司空曙

青楓江色晚楚客獨傷春共對一樽酒相看萬里人
猜嫌成謫宦正直不妨身莫畏炎方久年年雨露新

唐言類苑 卷之二十九
送友貶嶺南

耿 漳

暮年從遠謫落日別交親湖上北飛鴈天涯南去人
夢成湘浦夜淚盡桂陽春歲月茫茫意何時雨露新

送鄭鍊師貶辰州

戎 昱

辰州萬里外想得逐臣心謫去刑名枉人間痛惜深
誤將瑕指玉遂使謾消金計日西歸在休爲澤畔吟
常州孟諫議座上聞韓員外職方貶國子博

士有感五首

盧 仝

忽見除書到韓君文學官死生從有命人事始知難
烈火先燒玉庭蕪不養蘭山夫與刺史相對兩巔岏

二

干祿無便佞宜知黜此身員郎猶小小國學大頻頻
孤宦心肝直天王苦死嗔朝廷無諫議誰是雪韓人

三

何事遭朝貶知何被不容不如思所自只欲涕無從
爵服何曾好荷衣已慣縫朝官莫相識歸去老巖松

四

力小垂垂上天高又不登致身唯一已獲罪則顏朋
祿位埋坑穽康莊壘劍稜公卿共惜取莫遣玉山崩

五

誰憐野田子海內一韓侯左道官雖樂剛腸得健無
武侯反功名生地獄禮教死天囚莫言耕種好須避蒺藜秋

聞高侍郎卒貶所

李敬方

京西高院長直氣似吾徒走馬論邊備飛聲感廟謨
官移人未察身沒事多符寂寞他年後名編野史無

送竇司馬貶宜春

李白

天馬白銀鞍親承明主歡鬪鷄金闥裡射鴈碧雲端
堂上羅中貴歌鐘清夜闌何言謫南國拂劍坐長歎
趙璧為誰點隋珠枉被彈聖朝多雨露莫厭此行難

貶降至汝州廣城驛

鄭愔

近郊憑汝海遐服指江干尚憶趣朝貴方知失路難
曙宮平樂遶秋澤廣城寒岸葦新花白山梨晚葉丹
鄉關千里暮歲序四時闌函塞雲間別旋門霧裏看
夙年追駮驥暮節仰鵷鸞疲駕勞垂耳騫騰遽矯翰
將調梅鉉實不正李園冠荆玉終無玷隋珠忽已彈
曉裝違鞞洛夕夢在長安北上頻傷阮西征未學潘
傾車無共轍同派有殊瀾去去懷知己何由報一餐

送從弟貶袁州

劉長卿

何事成遷客思歸不見鄉遊吳經萬里弔屈向三湘

水與荆巫接山通鄢郢長名羌黃綬繫身是白眉郎
獨結南枝恨應思北鴈行憂來沽楚酒左鬢莫疑霜

貶南巴至鄱陽題李嘉祐江亭

劉長卿

巴嶠南行遠

一作南出巴人嶠

長江萬里隨不才甘謫去流

水亦何之地遠明君棄

一作瘴近餘生怯

天高酷吏欺青山

獨往路芳草未歸時流落還相見悲歡話所思猜嫌

一作

傷蕙苴愁暮向江離柳色迎高塢荷衣照下帷

水雲初起重暮鳥遠來遲白首

一作淚盡

看長劍滄洲

一作

關心寄釣絲沙鷗驚小吏湖月上高枝稚子能吳語新

文怨楚辭憐君不得意川谷自逶迤

一作容髮老南枝

送男彥輔左貶

林氏

韓彥輔母

他日初投杼勤王在隱兵有辭期不罰積意許相仍
謫宦今何在銜冤猶未勝天涯分越徼驟騎速毗陵
腸斷腹非苦書傳寫豈能淚添江水遠心劇海雲蒸
明月珠難識甘泉賦可稱但將忠報主何懼點青繩
貶岳州司馬巴陵寄朝中友人

賈至

江南春草初纂纂愁殺江南獨愁客秦中楊柳也應
新轉憶秦中相憶人萬里鶯花不相見登高一望淚

沾巾

送田少府貶蒼梧

高適

沈吟對遷客惆悵西南天昔爲一官未得意今向萬里令人憐念茲斗酒成睽間停舟嘆君日將宴遠樹應連北地春行人却羨南歸鴈丈夫窮達未可知看君不合長數竒江山到處堪乘興楊柳青青那足悲

送南給事貶崖州

賈至

疇昔丹墀與鳳池卽今相見兩相悲朱崖雲夢三千里欲別俱爲慟哭時

岳陽樓重宴別王八員外貶長沙

賈至

江路東連千里潮青雲北望紫微遙莫道巴陵湖水闊長沙南畔更蕭條

初貶官過望秦嶺

白居易

草草辭家憂後事遲遲去國問前途望秦嶺上迴頭立無限秋風吹白鬚

送烏城王明府貶巴江

包何

一片孤帆無四隣北風吹過五湖濱相看盡是江南客獨有君爲嶺外人

重送裴郎中貶吉州

劉長卿

猿啼客散暮江頭人自傷心水自流同作逐臣君更
遠青山萬里一孤舟

送楊少府貶郴州

王維

明到衡山與洞庭若爲秋月聽猿聲愁看北渚三湘
遠惡說南風五兩輕青草瘴時過夏口白頭浪裏出
湓城長沙不久留才子賈誼何須弔屈平

送李少府貶峽中王少府貶長沙

高適

嗟君此別意何如駐馬銜盃問謫居巫峽啼猿數行
淚衡陽歸鴈幾封書青楓江上秋天遠白帝城邊古

木疎聖代卽今多雨露暫時分手莫躊躇

送鄭十八虔貶台州司戶叅軍傷其臨老陷

賊之故闕爲面別情見於詩

杜甫

鄭公樗散鬢如絲酒後常稱老畫師萬里傷心嚴譴
日百年垂死中興時愴惶已就長途往邂逅無端出
餞遲便與先生應未訣九重泉路盡交期

送李九貶南陽

錢起

玉柱金罍醉不歡雲山驛道向東看鴻聲斷續暮天
遠柳影蕭疎秋日寒霜降幽林霑蕙若弦驚翰苑失

唐言類考 卷之三百二十九
鴛鴦秋來回首君門阻馬上應歌行路難

貶江陵途中寄樂天杓直以員外郎判鹽鐵

樂天以拾遺在翰林 元稹

想到江陵無一事酒杯書卷綴新文紫芽嫩茗和枝
採朱橘香苞數瓣分暇日上山狂逐鹿凌晨過寺飽
看雲筭緡草詔終須解不敢將心遠羨君

送人貶信州判官 白居易

地僻山深古上饒土風貧薄道程遙不唯遷客須恓
屑見說居人也寂寥溪畔毒沙藏水弩城頭枯樹下
山魃若於此郡爲卑吏刺史廳前又折腰

酬皇甫十六侍御曾見寄此公時貶舒州司

馬 李嘉祐

自顧衰容累玉除忽承優詔赴銅魚江頭烏避青旄
節城裏人迎露網車長沙地近悲才子古郡山多憶
舊廬更枉新詩思何苦離騷愁處亦無如

嶽祠送薛近貶官 耿湣

枯松老栢仙山下白帝祠堂枕古逵遷客無辜祝史
告神明有喜女巫知遙思桂浦人空去遠過衡陽鴈
不隨度嶺梅花翻向北回看不見樹南枝

去歲自刑部侍郎以罪貶潮州刺史乘驛赴

唐詩類考 卷之三百二十九
任其後家亦譴逐小女道死殯之層峯驛
旁山下蒙恩還朝過其墓留題驛梁

韓愈

數條藤束木皮棺草殯荒山白骨寒驚恐入心身已
病扶舁沿路衆知難繞墳不暇號三匝誤祭唯聞飯
一盤致汝無辜由我罪百年慙痛淚闌干

送林宗配雷州

郎士元

昨日三峯尉今朝萬里人平生任孤直豈是不防身
海霧多爲瘴山雷乍作隣遙憐北戶月與子獨相親
送韋侍御量移金州司馬 白居易

春歡雨露同霑澤冬歎風霜獨滿衣留滯多詩如我
少遷移好處似君稀卧龍雲到須先起蟄燕雷驚尚
未飛莫恨東西溝水別滄溟長短擬同歸

量移袁州張韶州端公以詩相賀因酬之

韓愈

明時遠逐事何如遇赦移官罪未除北望詎令隨塞
鴈南遷纔免葬江魚將經貴郡煩留客先惠高文謝
起予暫欲繫船韶石下上賓虞舜整冠裾

赦到不得歸題江上石

沈佺期

客住東京裏身投南海西風烟萬里隔朝夕幾行啼

聖主謳歌洽賢臣法令齊忽聞銅柱使走馬報金鷄
棄市沾皇渥投荒漏紫泥魂疲山鶴路心醉站鳶溪
天鑿誅元惡宸慈恤遠黎五方思寄刃萬姓喜燃臍
自幼輸丹懇何嘗玷白圭承言竄遐魅雪枉間深狴
墳壠無由謁京華豈重躋炎方誰謂廣地盡覺天低
百卉雜殊怪昆蟲理賴睽閉藏元不螫搖落反生萸
瘡瘡因茲苦窮愁益復迷火雲蒸毒霧陽雨濯陰霓
周乘安交趾王恭輯畫題少寬窮涸鮒猶愍觸藩羝
配宅隣州解斑苗接野畦山空聞鬪象江靜見遊犀
翰墨思諸季裁縫憶老妻小兒應離襍幼女未攀笄

夢蝶翻無定著龜詎有期誰能竟此曲曲盡氣酸嘶

放後遇恩不霑

李白

天作雲與雷霈然德澤開東風日本至白雉越裳來
獨棄長沙國三年未許回何時入宣室更問洛陽才

未嘉作

張子容

拙宦從江左投荒更海邊山將孤嶼近水共惡溪連
地隰梅多雨潭蒸竹起烟未應悲晚髮炎瘴苦華年

初到汀州

僧靈澈

初放到滄州前心詎解愁舊交容不拜臨老學梳頭
禪室白雲去故山明月秋幾年猶在此北戶水南流

送任五之桂林

王昌齡

楚客醉孤舟越水將引棹山爲兩鄉別月帶千里貌
羈譴同繒綸僻幽聞虎豹桂林寒色在苦節知所效

嶺南送使二首

張說

獄中生白髮嶺外罷紅顏古來相送處凡得幾人還

二

萬里授荒裔來時不見親一朝成白首看取報家人

嶺南送使

張說

秋鴈逢春返流人何日歸將予去國淚灑子入鄉衣
饑狄啼相聚愁猿喘更飛南中不可問書此是京畿

送王昌齡之嶺南

孟浩然

洞庭去遠近楓葉早驚秋峴首羊公愛長沙賈誼愁
土風無縞紵鄉味有查頭已抱沈痾疾更貽魑魅憂
數年同筆硯茲夕間衾裯意氣今何在相思望斗牛

南中送北使二首

張說

傳聞合浦葉曾向洛陽飛何日南風至還隨北使歸
紅顏渡嶺歇白首對秋衰高歌何由見層堂不可違
誰憐炎海曲淚盡復霑衣

待罪居重譯窮愁暮雨秋山臨鬼門路城繞瘴江流
人事今如此生涯自可求逢君入鄉縣傳我念京周

別恨歸途遠離言暮景迺夷歌翻淚下蘆酒未消愁
聞有胡兵急深懷漢國羞和親先是詐款塞果爲讐
釋繫應分爵蠲徒幾復侯廉頗誠未老孫叔且無謀
若道馮唐事皇恩尚可收

送辰州鄭使君

戎昱

誰人不譴謫君去獨堪傷長子家無弟慈親老在堂
驚魂隨驛吏冒暑向炎方未到猿啼處參差已斷腸

送崔參軍往龍溪

王昌齡

龍溪只在龍標上秋月孤山兩相向譴謫離心是丈
夫鴻恩共待春江漲

送吳十九往沅陵

王昌齡

沅江流水到辰陽溪口逢君驛路長遠謫誰知望雷
雨明年春水共還鄉

贈房侍御

陶翰

志人固不羈與道常周旋進則天下仰已之能晏然
褐衣東府召執簡南臺先雄義每特立犯顏豈圖全
謫居東南遠逸氣吟芳荃適會寥廓趣清波更負綠
扁舟入五湖發纜洞庭前浩蕩臨海曲迢遞濟江壖
徵竒忽忘返遇興將彌年乃悟范生智足明漁父賢
郡臨新安渚佳氣此城偏日夕對層岫雲霞映晴川

閑居戀秋色偃卧舍貞堅倚伏自相化行藏亦推遷
君其振羽翮歲晏將冲天

贈高六戩

張說

北極辭明代南溟宅放臣丹誠由義盡白髮帶愁新
鳥墜炎洲氣花飛洛水春平生歌舞席誰憶不歸人

留贈張御史張判官

張說

旅竄南方遠傳聞北使來舊庭知玉樹合浦識珠胎
白髮因愁改丹誠託夢迴皇恩若再造爲憶不然灰
從驩州解移住山間水亭贈蘇使君

沈佺期

遇坎卽乘流西南到火洲鬼門應苦夜瘴浦不宜秋
歲貸胸穿老朝飛鼻飲頭死生離骨肉榮辱間朋遊
棄置一身在平生萬事休鷹鷂遭誤逐豹虎怯真投
憶昨京華子傷今邊地囚願陪鸚鵡樂希並鷓鴣留
日月渝鄉思烟花換客愁幸逢蘇伯玉回借水亭幽
山栢張青蓋紅蕉卷綠油乘閑無火宅因放有漁舟
邊越心當是居夷迹可求古來堯禪舜何必罪驩兜

巴陵贈賈舍人

李白

賈生西望憶京華湘浦南遷莫怨嗟聖主恩深漢文
帝憐君不遣到長沙

贈李司議

張籍

漢庭誰問投荒客十載天南着白衣
秋草茫茫惡溪路嶺頭遙送北人歸

答魑魅代書寄家人

沈佺期

魑魅來相問君何失帝鄉龍鐘辭北闕
躑躅守南荒覽鏡憐雙鬢沾衣惜萬行
抱愁那去國將老便垂裳影答余他歲
恩思宦洛陽三春給事省五載尚書郎
黃閣遊鸞署青緜御史香扈巡行太液
陪宴坐明光渭北昇高苑河南被禊場
烟花恒獻賦泉石每稱觴暇日從休瀚
高車映道旁迎賓就丞相選士謁昭王

侍寵言猶得承歡謂不忘一朝貽厚譴
五宅竟同防兇豎曾驅策權豪豈易當
欵顏因侍從接武在文章且懼威非贖
寧知心是狼身猶納履誤情爲覆盆傷
可難緣成業非關行昧藏喜逢今改旦
正朔復歸唐河讖隨龍馬天書逐鳳凰
朝容欣舊則宸化美初綱告善雕旌建
收寬錦旆張宰臣更獻納守郡各明揚
禮樂移三統舟車會八方雲沙降白遂
秦隴獻燒當三赦重天造千推極國祥
大招思復楚役俾限惟桑漲海緣真臘
崇山壓古棠雕題飛棟宇儋耳間衣裳
伏枕神餘劣加餐力未強空庭遊翡翠
窮巷倚桃榔

唐言類苑 卷之三百十九
緣體分殊昔回眸宛異常吉凶恒委鄭年壽會詢唐
家本傳清白官移重掛牀上京無薄產故里絕窮莊
碧玉先時費菴頭此自將興言歎家口何處待羸糧
計吏從都出傳文大小康降除沾二弟離折已三房
劍外懸銷骨荆南預斷腸音塵黃耳間夢想白眉良
復此單棲鶴銜雛願遠翔何堪萬里外雲海已冥茫
戚屬甘胡越聲名任粃糠由來休憤命命也信蒼蒼
獨坐尋周易清晨詠老莊此中因誤道無問入猖狂

寄陶副使

王昌齡

聞道將軍破海門如何遠謫渡湘沅春來明主封西

嶽自有還君紫綬恩

寄瓊州楊舍人

皮日休

德星芒彩瘴天涯酒樹堪消謫宦嗟行遇竹王因設
奠居逢木客又遷家清齋淨洩枕榔麪遠信閑封荳
蔻花清切會須歸有日莫貪勾漏足丹砂

奉和寄瓊州楊舍人

陸龜蒙

明時非罪謫何偏鵬鳥巢南更數千酒滿椰杯消毒
霧風隨蕉扇下瀧船人多藥戶行狂蠱吏有珠官出
俸錢祇以直誠天自信不勞詩句詠貪泉

南中別蔣五向青州

張說

老親依北海賤子棄南荒有淚皆成血無聲不斷腸
此中逢故友彼地送還鄉願爲楓林葉隨君渡洛陽

南中別陳七李十

張說

二年共遊處一旦各西東請君聊駐馬看我轉征蓬
盡鷓愁南海離駒思北風何時似春鴈雙入上林中

南中別王陵成崇

張說

握手與君別岐路贈一言曹卿禮公子楚媪饋王孫
倏爾生六翮翻飛戾九門常懷客鳥意會答主人恩

端州別高六戩

張說

異壤同羈竄途中喜共過愁來時舉酒勞罷或長歌

南海風潮壯西江瘴癘多於焉復分手此別傷如何

石門別楊六卿望

張說

燕人同竄越萬里自相哀影響無期會江山此地來
暮年傷汎梗累日慰寒灰潮水東南落浮雲西北迴
俱看石門遠倚棹兩悲哉

惻惻吟

白居易

惻惻復惻惻逐臣返鄉國前事難重論少年不再得
泥塗絳老頭斑白炎瘴靈均面黎黑六年不死却歸
來道著姓名人不識

繼三使君詩

劉太真

顧十二左遷過韋蘇州房杭州韋睦州三使君皆有郡中燕集詩因亦成篇

寵至乃不驚罪得非無由奔迸歷畏途緬邈赴偏陬
牧此彫弊昨屬當賦歛秋夙興諒無補旬暇焉敢休
前日懷友生獨登城上樓迢迢西北望遠思不可收
今日車騎來曠然銷人憂晨迎東齋飯晚度南溪遊
以我碧流水泊君青翰舟莫將遷客程不爲勝景留
飛扎謝三守斯篇希見酬

聞樂天授江州司馬

元稹

殘燈無焰影幢幢此夕聞君謫九江垂死病中仍悵

望暗風吹雨入寒牕

李德裕

肉視具寮忘七箸氣吞同列削寒温當時誰是承恩者肯有餘波達鬼村

盡閣不開梁燕去朱門罷掃乳烏歸千巖萬壑應惆悵流水斜傾出武闈

俱來海上嘆烟波君佩銀魚我觸羅經國才微甘放蕩身城年少豈蹉跎應憐旅夢千重思共愴離心一曲歌唯有管絃知客意分明吹出感恩多

流徙

流夜郎至西塞驛寄裴隱 李白

揚帆借天風水驛苦不緩平明及西塞已先投沙伴
迴巒引羣峯橫感楚山斷砥衝萬壑會震杳百川滿
龍怪潛溟波候時救炎旱我行望雷雨安得霑枯散
鳥去天路長人悲春光短空將澤畔吟寄爾江南管
竄夜郎於烏江留別宗十六璟

李白

君家全盛日台鼎何陸離斬鼉翼媧皇鍊石補天維
一迴日月顧三入鳳凰池失勢青門傍種瓜復幾時

猶會舊賓客三千光路岐皇恩雪憤懣松栢含榮滋
我非東牀人令姊忝齊眉浪跡未出世空名動京師
適遭雲羅解翻謫夜郎悲拙妻莫邪劍及比二龍隨
慙君湍波苦千里遠從之白帝曉猿斷黃牛過客遲
遙瞻明月峽西去益相思

流夜郎來華寺寄潯陽郡官

李白

朝別凌烟樓賢豪滿行舟暝投來華寺賓散予獨醉
願結九江流添成萬行淚寫意寄廬嶽何當來此地
天命有所懸安得苦愁思

流夜郎聞酺不預

李白

見禮部酺宴

流崖州至鬼門關作

楊炎

一去一萬里千知千不還崖州何處在生度鬼門關

江上別流人

孟浩然

以我越鄉客逢君謫居者分飛黃鶴樓流巖蒼梧野
驛使乘雲去征帆泐溜下不知從此去還袂何時把

送流人

司空曙

聞說南中事悲君重竄身山村楓子鬼江廟石郎神
童稚留荒宅圖書託故人青門好風景為爾一沾巾

送流人

張籍

獨向長城北黃雲暗塞天流名屬邊將舊業作公田
擁雪添軍壘收冰當井泉知君住應老須記別鄉年

寄流人

項斯

毒草不曾枯長添客健無霧開蠻市合船散海城孤
象跡頻藏齒龍涎遠蔽珠家人秦地老泣對日南圖

哭南流人

項斯

遙見南來使江頭哭問君臨終時有雪旅墓處無雲
官庫空收劍蠻僧共起墳知名人尚少誰為錄遺文

流合浦嶺外

張均

瘴江西去火爲山炎徼南窮鬼作關從此更投人境
外生涯應在有無間

武關西逢配流吐蕃

韓愈

嗟爾戎人莫慘然湖南地近保生全我今罪重無歸
望直去長安路八千

送侯中丞流康州

劉長卿

長江極目帶楓林疋馬孤雲不可尋
遷播共知臣道枉猜讒却爲主恩深
轅門畫角三軍思驛路青山萬里心
北闕九重誰許屈獨看湘水淚沾襟

棄官

送綦毋校書棄官還江東

王維

明時久不達棄置與君同天命無怨色
人生有素風念君拂衣去四海將安窮
秋天萬里淨日暮澄江空清夜何悠悠
扣舷明月中和光魚鳥際澹爾蒹葭叢
無庸客昭世衰鬢白如蓬頑疎暗人事
僻陋遠天聰微物縱可採其誰爲至公
余亦從此去歸耕爲老農

許七侍御棄官東歸瀟灑江南頗聞自適高

松企望題詩寄贈十韻

杜牧

天子繡衣吏東吳美退居有園同庾信
避事學相如蘭畹晴香嫩筠溪翠影疎
江山九秋後風月六朝餘

錦笥開詩軸青囊結道書霜巖紅薜荔露沼白芙蓉
睡雨高梧密棊燈小閣虛凍醪元亮秫寒鱸李鷹魚
塵意迷今古雲情識卷舒他年雪中棹陽羨訪吾廬

於義興縣
近有水榭

李給事二首

杜牧

一章緘拜皂囊中慄慄朝廷有古風元禮去歸緱氏

學

李膺退罷歸緱氏教授生徒
給事論鄭注告滿歸潁陽

江充來見大臺宮

鄭注

對於浴室紛紜白晝驚千古鐵鎖朱殷幾一空曲突徙薪

人不會海邊今作釣魚翁

晚髮悶還梳憶君秋醉餘可憐劉校尉曾訟石中書

給事因忤仇軍
容棄官東歸

消長雖殊事仁賢每見如因看魯褒

論何處是吾廬

送友人棄官遊江左

賈島

羨君休作尉萬事具全身寰海多虞日江湖獨往人

姓名何處變鷗鳥幾時親別後吳中使應須訪子真

李生棄官入道因寄

許渾

西巖一徑通

一作千巖
路不窮

知學

一作訪

採芝翁寒暑

丹心外光陰白髮中水深魚避釣雲迴鶴辭籠坐想

還家日人非井邑空

送陸洵郎中棄官東歸

杜牧

少微星動照春雲魏闕衡門路自分倏去忽來應有
問世間塵土謾疑君

不調歸東川別業

李頎

寸祿言可取託身將見遺慙無匹夫志悔與名山辭
綬冕謝知己林園多後時葛巾方濯足蔬食但垂帷
十室對河岸漁樵祗在茲青郊香杜若白水映茅茨
晝景徹雲樹夕陰澄古逵渚花獨開晚田鶴靜飛遲
且復樂生事前賢爲我歸闌歌聊鼓楫永日望佳期
酬陶六辭秩歸舊居見柬 錢起
靖節昔高尚令孫嗣清徽舊廬雲峯下獻歲車騎歸

去俗因解綬憶山得採薇田疇春事起里巷相尋稀
淵明醉乘興閑門祗掩扉花禽驚曙月隣女上鳴機
畢娶願已果養恬志寧違吾當掛朝服同爾緝荷衣
謝櫟陽令歸西郊贈別諸友生

韋應物

結髮仕

一作事

州縣蹉跎在文墨徒有排雲心何由生

羽翼幸遭明盛日萬物蒙生植獨生抱微痾頽然謝

斯職

大歷十四年六月二十三日自鄆縣制除櫟陽令以疾辭歸善福精舍七月二十日賦此詩

世道方荏苒郊園思偃息爲歡日已延君子情未極
馳觴一作驅馳忽云晏高論良難測遊步清都宮迎風嘉

樹側晨起西郊道原野分黍稷自樂陶康人服勤在
微力佇君列丹陛出處兩爲得

歸田

時三十七

元稹

陶君三十七挂綬出都門我亦今年去商山浙岸村
冬修方丈室春種桔槔園千萬人間事從茲不復言
送孔巢父謝病歸遊江東兼呈李白

杜甫

巢父掉頭不肯住東將入海隨烟霧詩卷長留天地
閒釣竿欲拂珊瑚樹深山大澤龍蛇遠春寒野陰風
景暮蓬萊織女回雲車指點虛無引歸路自是君身

有仙骨世人那得知其故惜君只欲苦死留富貴何
如草頭露蔡侯靜者意有餘清夜置酒臨前除罷琴
惆悵月照席幾歲寄我空中書南尋禹穴見李白道
甫問訊今何如

辭官歸隱留詩一絕

王易簡

汨沒朝班愧不才誰能低折向塵埃青山得意且歸
去官職有來還自來

送崔諭德致仕東歸

權德輿

天子坐法宮詔書下江東懿此嘉遯士蒲車起丘中
褐衣入承明朴畧多古風直道侍太子昌言沃宸聰

巖居四十年心與鷗鳥同一朝受恩澤自說如池龍
乞骸歸故山累疏明深衷大君不奪志命錫忽已崇
旭日出東門輕裝若秋蓬家依白雲嶠手植丹桂藜
竹齋引寒泉霞月相玲瓏曠然解赤轂去逐冥冥鴻

贈送致仕郎中

李建勳

鶴立瘦稜稜髭長白似銀衣冠皆古製氣貌異常人
聽雪添詩思看山滯酒巡西峯重歸路唯許野僧親

送滕庶子致仕歸江南

朱慶餘

常懷獨往意此日去朝簪丹詔榮歸騎清風滿故林
諸侯新起敬遺老重相尋在處饒山水堪行慰所心

孔尚書致仕

朱慶餘

高人心易足三表乞身閑與世長疎索唯僧得往還
直聲留闕下生事在林間時復逢清景乘車看遠山

送李庶子致仕還洛

楊炯

此地傾城日由來供帳華亭逢李廣騎門接邵平瓜
原野烟氛匝關河遊望賒白雲斷巖岫綠草覆江沙
詔賜扶楊宅人榮御史車灞池一相送流涕向烟霞

贈致仕滕庶子先輩

時及第人
中最長

劉禹錫

朝服歸來晝錦榮登科記上更無名壽觴每使曾孫

唐言類考 卷之百二十九
獻勝境長攜衆妓行
鑣鑠據鞍時
騁健殷勤把酒尚
多情凌寒却向山陰去
衣繡郎君雪裏行

和楊郎中賀楊僕射致仕後楊侍郎門生合

宴席上作

白居易

業重關西繼大名
恩深闕下遂高情
祥鱸降伴趣庭
鯉賀燕飛和出谷
鶯范蠡舟中無子弟
疎家席上欠
門生可憐玉樹連
桃李從古無如此
會榮

初致仕後戲酬留守牛相公

白居易

南北東西無所羈
掛冠自在勝分司
探花嘗酒多先

到拜表行香盡
不知炮笋烹魚飽
飯後擁袍枕臂醉
眠時報君一語
君應笑兼亦無心
羨保釐

刑部尚書致仕

白居易

十五年來洛下居
道緣俗累兩何如
迷路心迴因向
佛官途事了是
懸車全家遁世
曾無悶半俸資
身亦有餘
唯是名銜人
不會毗耶長者
白尚書

和致仕沈郎中

李建勳

欲謀休退尚因循
且向東溪種白蘋
謬應星辰居四
輔終期冠褐作
閑人城中隔日
趨朝懶楚外千
峯入
夢頻殘照晚庭
沈醉醒靜吟斜
倚老松身

厚言類及 卷之三百二十九
賀少師相公致政

并序

許渾

少師相公未及懸車之年乞罷將相徵於近代更
無比肩余受恩門館竊杼長句寄獻

六十懸車自古稀我公年少獨忘機門臨二室留侯
隱棹倚三川越相歸不擬優游同陸賈已回清白遣
胡威龍城鳳沼棠陰在只恐歸鴻更北飛

和人賀楊僕射致政

并序

許渾

祠部楊員外以僕射楊公拜官致仕舊府賓僚及
門生合燕申賀飲後書事因和呈

蓮府

一作龍關

公卿拜後塵手持優詔挂朱輪從軍幕下

三千客聞禮庭中七十人飾帳麗詞推北巷盡堂清
樂掩南隣豈同王謝山陰會空叙流盃醉暮春

雪暮偶與夢得同致仕裴賓客王尚書飲

白居易

黃昏慘慘雪霏霏白首相歡醉不歸四箇老人三百
歲人間此會亦相稀

初去郡齋書情

薛據

肅徒辭汝穎懷古獨淒然尚想文王化猶思巢父賢
時移多讒巧大道竟誰傳况見疾風起悠悠旌旆懸
征鴻無返翼歸流不停川已經霜雪下仍驗栢松堅

唐言類苑 卷之三百二十九
回首望城邑迢迢間雲烟志士不傷物小人皆自妍
感時唯責已在道非怨天從此適樂土東歸得幾年

送賈閣老出汝州

杜甫

西掖梧桐樹空留一院陰艱難歸故里去住損春心
宮殿青門隔雲山紫邏深人生五馬貴莫受二毛侵
病免後喜徐賓客

白居易

卧在漳濱滿十旬起爲商皓伴三人從今且莫嫌身
病不病何由索得身

送吉州闔使君入道二首 戎昱

聞道桃源去塵心忽自悲余當從宦日君是棄官時

金

封仙骨靈津嚙玉池受傳三籙備起座五雲隨

洞裏花常發人間鬢易衰他年會相訪莫作爛柯碁

二

廬陵太守迎隳官霞帔初朝五帝壇風過鬼神延受
籙夜深龍虎衛燒丹水容入鏡纖埃靜玉液添餅漱
齒寒莫遣桃花迷客路千山萬水訪君難

第五將軍於餘杭天柱宮入道因寄

羅隱

交梨火棗味何如聞說茗州已下車瓦榼尚攜京口
酒草堂應寫頴陽書亦知得意須乘鶴未必忘機更

唐言類考 卷之二十一
三十一
釣魚却恐武皇還望祝軟輪徵入問玄虛

崔司錄宅宴大理李卿

高適

多雨殊未已秋雲更沈沈洛陽故人初解印山東小吏來相尋上卿才大名不朽早朝至尊暮求友豁達常推海內賢殷勤但酌樽中酒飲醉欲言歸剡谿門前駟馬光照衣路傍觀者徒唧唧我公不以爲是非

題王少府堯山隱處簡陸鄱陽

劉長卿

故人滄洲吏深與世情薄解印二十年委身在丘壑買田楚山下妻子自耕鑿羣動心有營孤雲本無著

因收谿上釣遂接林中酌對酒春日長山村杏花落陸生鄱陽令獨步建溪作早晚休此官隨君來棲託

高僕射

白居易

富貴人所愛聖人去其泰所以致仕年著在禮經內玄元亦有訓知止則不殆二疎獨能行遺跡東門外清風久銷歇追此向十載斯人古亦稀何況今之世遑遑名利客白首千百輩唯有高僕射七十懸車蓋我年雖未老歲月亦云邁預恐嗜及時貪榮不能退中心私自做何以爲我戒故作僕射詩書之於大帶昔與微之在朝日同蓄休退之心迨今十年

淪落老大追尋前約且結後期

白居易

往子爲御史伊余忝拾遺皆逢盛明代俱登清近
予繫玉爲珮子曳繡爲衣從容香烟下同侍白玉墀
朝見寵者辱暮見安者危紛紛無退者相顧令人悲
宦情君早厭世事我深知常於榮顯日已約林泉期
况今各流落身病齒髮衰不作卧雲計攜手欲何之
待君女嫁後及我官滿時稍無骨肉累粗有漁樵資
歲晚青山路白首期同歸

奉陪鄭中丞自宣州解印與諸姪宴餘干後

谿

劉長卿

跡遠

一作心遠
作意愜觀

親魚鳥功成厭鼓鼙林中阮生集

池上

一作阮家醉
一作阮氏集

戶牖垂藤合藩籬插槿齊

綠

一本無此二句一作門徑蒼苔合窻陰
一作深巷行人少閉門卧柳低

夕陽山向背

春

一作秋

草水東西度雨諸峯出看花幾路迷

一作高
原幾處

何勞問秦漢更入武陵谿

後四句一本作舊架懸
藤老疎籬插槿齊風塵

不可到誰羨武陵溪

罷官

同孫構免官後登薊樓

張謂

昔在五陵時年少心亦壯常矜有竒骨必是封侯相

東走到營州投身事邊將一朝去鄉國千載履亭障
部曲皆武夫功成不相讓猶希虜塵動更取林胡帳
去年大將軍忽負樂生謗北別傷士卒南遷死炎瘴
濩落悲無成行登薊丘上長安三千里日夕西南望
寒沙榆塞沒秋水灤河漲策馬從此辭雲山保閑放
送宇文南金放後歸太原寓居因呈太原郝
主簿
岑參
歸去不得意北京關路賒却投晉山老愁見汾陰花
翻作灞陵客憐君丞相家夜眠旅舍雨曉醉春城鴉
送君繫馬青門口胡姬壚頭勸君酒爲問太原賢主

人春來更有新詩否

李博士弟以余罷官居同德精舍共有伊陸
名山之期久而未去枉詩見問中云宋生
昔登覽未云那能顧蓬
直寄鄙懷聊以
爲答
韋應物

初夏息衆綠雙林對禪客枉茲芳蘭藻促我幽人策
冥搜企前哲逸句陳往迹髣髴陸渾南迢遞千峯碧
從來遲高駕自顧無物役山水心所娛如何更朝夕
晨興涉清洛訪子高陽宅莫言往來疎駑馬知阡陌
送湘陽熊判官孺登府罷歸鍾陵因寄呈江

西裴中丞二十三兄

劉禹錫

射策志未就從事歲云除
 篋留馬卿賦袖有劉弘書
 忽見夏木深悵然憶吾廬
 復持州民刺歸謁專城居
 君家誠易知勝絕傾里閭
 人言北郭生門有卿相輿
 鍾陵謁千里帶郭西江水
 朱檻照河宮旗亭綠雲裏
 前來初缺守慎簡由宸宸
 臨軒弄郡章得人方付此
 是時左馮翊天下第一理
 貴臣持牙璋優詔發青紙
 迎風姦吏免先令疲人喜
 何武劾腐儒陳蕃禮高士
 昔升君子堂腰下綬猶黃
中丞時為萬年尉 汾陰有寶氣赤
 董多以鉞束簡下曲臺佩
 鞬來歷陽綺筵陪一笑蘭

室襲餘芳風水忽異勢江湖遽相忘
 因君倘借問為話老滄浪

罷秩後入華山採茯苓逢道者

李益

委綬來名山觀竒恣所停山中若有聞
 言此不死庭遂逢五老人一謂西嶽靈
 或聞樵人語飛去入昴星授我出雲路
 蒼然凌石屏視之有文字乃古黃庭經
 左右長松列動搖風露零上蟠千年枝
 陰虬負青冥下結九秋霰流膏為茯苓
 取之砂石間異若龜鶴形况聞秦宮女
 華髮變已青有如上帝心與我千萬齡

始疑有仙骨鍊魂可未寧何事逐豪遊飲啄以羶腥
神物亦自闕風雷護此局欲傳山中寶回策忽已暝
乃悲世上人求醒終不醒

送顏少府投鄭州

岑參

一尉便垂白數年惟草玄出關策匹馬逆旅聞秋蟬
愛客多酒債罷官無俸錢知君羈思少所適主人賢
罷郡歸洛陽閑居

劉禹錫

十年江海守旦夕有歸心及此西還日空城東武吟
花前數杯酒月下一張琴聞說功名事依前惜寸陰

送張判官罷使東歸

劉長卿

白首辭知己滄洲憶舊居落潮迴野艇積雪卧官廬
范叔寒猶在周王歲欲除春山數畝地歸去帶經鋤

送李城門罷官歸嵩陽

權德輿

與君相識處吏隱在墻東啓閉千門靜逢迎兩掖通
罷官多暇日肄業有儒風歸去塵寰外春山蘭桂藂
罷相作

李適之

避賢初罷相樂聖且銜杯爲問門前客今朝幾箇來

送李明府去官

錢起

謗言三至後直道歎何如今日藍溪水無人助一作
夜魚

唐言類考 卷之三百五十九
翰林中送獨孤二十七起居罷職出院

白居易

碧落留雲住青冥放鶴還銀臺向南路從此到人間

罷官後酬元校書見贈 錢起

心期悵已阻交道復何如自我辭丹闕惟君到故廬

忘機貧負米憶戴出無車

一本作未忘金馬
詔猶負茂陵書

隣犬吠

初服家人愁斗儲秋堂入閑夜雲月思離居窮巷聞
砧冷荒枝應鵲疎宦名隨落葉生事感枯魚流水仍
揮手知音未棄余

罷攝官後將還舊居留辭李侍御

劉長卿

江海今爲客風波失所依白雲心已負黃綬計仍非

累辱羣公薦頻霑一尉微去緣焚玉石來爲采葑菲

州縣名何在漁樵事亦違故山桃李月初服薜蘿衣

熊軼分朝寄龍韜解賊圍風謠傳吏體雲物助兵威

白雪飄辭律青春發禮闈引軍橫吹動援翰捷書揮

草映翻營綠花臨檄羽飛全吳爭轉戰狂虜怯知機

憶昨趨金節臨時廢玉徽俗流應不厭靜者或相譏

世難慵干謁時閑喜放歸潘郎悲白髮謝客愛清輝

樗散材因棄交親迹已疎獨愁看五柳無事掩雙扉

世累多行路生涯向釣磯榜連溪水碧家羨渚田肥
旅食傷飄梗巖棲憶采薇悠然獨歸去迴首望旌旗

奉送從兄罷官之淮南

劉長卿

何事浮溟渤元戎棄鎬鉞漁竿吾道在鷗鳥世情賒
玄髮他鄉換滄洲此路遐沂泂隨桂檝醉醒任松華
離別誰堪道艱危更可嗟兵鋒挫海內王命隔天涯
鐘漏移長樂衣冠接未嘉還當拂氛祲那復卧雲霞
溪路漫岡轉夕陽歸鳥斜萬艘江縣郭一樹海人家
揮袂看朱紱揚帆指白沙春風獨迴首愁思極如麻

送吏部曹郎中鄴免官南歸

鄭谷

高名向已求古韻古無儔風月拋蘭省江山向一作復

桂州賢人知止足中歲便歸休雲鶴深相待公卿不

易留滿朝張祖席半路上仙舟篋重藏吳畫茶新換

越甌郡迎紅燭宴寺宿翠嵐樓觸目成幽興全家是

勝遊蓬聲漁叟雨葦色鷺鷥秋久別郊園改將歸里

巷修桑麻勝祿食節序免鄉愁陽朔花迎棹崇賢葉

滿溝郎中崇賢里有幽居席春歡促膝簷日煖扶一作晚梳頭道暢

應為蝶一作虎時來必問牛終須康庶品未爽漱寒流

議在歸羣望情難戀自由小生誠淺拙早歲便依投

唐言類苑 卷之二十一
夏課每垂獎雪天常見憂遠招陪宿直首薦向公侯
攀送偏揮灑龍鍾志未酌

罷府歸舊房

白居易

陋巷乘藍入朱門掛印迴腰間拋組綬纓上拂塵埃
屈曲閑池沼無非手自開青蒼好竹樹亦是眼看栽
石片擡琴匣松枝閣酒盃此生終老處昨日却歸來
奉和吏楊尚書太常李卿二相公策免後卽

事述懷贈答十韻

劉禹錫

文雅關西族衣冠趙北都有聲真漢相無類勝隋珠
當軸龍爲友臨池鳳不孤九天開內殿百拜看晨趨

誠滿澄欵器成功別大鑪餘芳在公論積慶是神扶
步武離台席徊翔集帝梧銓材秉秦鏡典樂去齊竽
瀟灑風塵外逢迎詩酒徒唯應待華誥更入萬錢厨

喜罷郡

白居易

五年兩郡亦堪嗟偷出遊山走看花自此光陰爲已
有從前日月屬官家樽前免被催迎使枕上休聞報
坐衙睡到午時歡到夜迴看官職是泥沙

初罷中書舍人

白居易

自慙拙宦叨清貴還有癡心怕素餐或望君臣相獻
替可圖妻子免饑寒性疎豈合承恩义命薄元知濟

唐言類考 卷之二十九
事難分寸寵光酬未得不休更擬覓何官

送孫德諭罷官往黔州

苗發

中歲分符典石城兩朝趨陛謁承明闕下昨陳歸老
疏天南今切去鄉情親知握手三秋別几杖扶身萬
里行伯道暮年無嗣子欲將家事託門生

和楊尚書罷相後夏日遊永安水亭兼招本

曹楊侍郎同行

白居易

道行無喜退無憂舒卷無雲得自由良冶動時爲哲
匠巨川濟了作虛舟竹亭陰合偏宜夏水檻風涼不
待秋遙愛翻翻雙紫鳳入同宮署出同遊

罷業原尉上座主尚書

劉滄

自憐生計事悠悠浩渺滄浪一釣舟千里夢歸清洛
近三年官罷杜陵秋山連絕塞渾無色水到平沙幾
處流白露黃花歲時晚不堪雙鬢鏡前愁

與党評事

并序

元結

大理評事党曄好閑自退元子愛之作詩贈焉

自顧無功勞一歲官再遷跼身班次中常竊愧耻焉
加以久荒浪愒愚性頗全未知在冠冕不合無拘牽
勤強所不及於人或未然豈忘惠君子恕之識見偏
且欲因我心順爲理化先彼云萬物情有願隨所便

唐言類苑 卷之二百三十九
四四
愛君得自遂令我空淵禪

獻從叔郎中

鄭谷

從叔郎中誠輟自秋曹分符安陸屬羣盜倡熾流
毒江壩竟以援兵不來城池失守例削今任却敘
省銜退居荆漢之間頗得琴樽之趣因有寄獻

華省稱前任何慙削一麾滄洲失孤壘白髮出重圍
苦節翻多難空山自喜歸悠悠清漢上漁者日相依

贈漢陽輔錄事

李白

聞君罷官意我抱漢川湄借問久疎索何如聽訟時
天清江月白心靜海鷗知應念投沙客空餘弔屈悲

贈漢陽輔錄事

李白

鸚鵡洲橫漢陽渡水引寒烟沒江樹南浦登樓不見
君君今罷官在何處漢口雙魚白錦鱗今傳尺素報
情人其中字數何多少祇是相思秋復春

送長安羅少府

朱餘慶

科名再得年猶少今日休官更覺賢去國已辭趨府
伴向家還入渡江船雪晴新鴈斜行出潮落殘雲遠
色鮮在處若逢山水住到時應不及秋前之府已去

唐詩類苑卷第一百二十九終

唐詩類苑卷第一百三十

明雲間張之象玄超甫纂輯

雲間李中立士強甫編次

雲間王徹叔朗甫補訂

梁谿曹仁孫伯安甫校正

人部

疾病

田假限疾不獲還莊載想田園兼思親友贈

杜幽素

李嶠

游宦勞牽網風塵久化衣迹馳東苑路望阻北巖扉

及此乘休告聊將狎遁肥十旬俄委疾三徑且殊歸
茂陵宵難卽靈臺暫可依疲痾旅城寺延想屬郊畿
夕夢園林是晨瞻邑里非緣疇良已穢清濠曠不追
野花何處落山月幾秋暉彼美符商政優游絕漢機
高情物累遣逸氣煙霞飛樂道方無悶懷賢獨有違
樽虛舊園酒琴靜故人微夏沼蓮初發秋田麥稍稀
何當攜手去日暮採芳菲

移疾會詩客元生與釋子法朗因貽諸祠曹

韋應物

對此嘉樹林獨有戚戚顏抱瘵知曠職淹旬非樂閑

釋子來問訊詩人亦扣關道同意

一作適

暫遣客散疾

徐還園徑自幽靜玄蟬噪其間高牕瞰遠郊暮色起
秋山英曹幸休暇恨恨一作恨心所攀

魯望春日多尋野景日休抱疾杜門因有是

寄

皮日休

野侶相逢不待期半緣幽事半緣詩烏紗任岸穿筋
竹白袷從披趁肉芝數卷蠹書棋處展幾升菰米釣
前炊病中不用君相憶折取山櫻寄一枝

奉和春日抱病杜門次韻 陸龜蒙

雖失春城醉上期下帷裁徧未裁詩因吟郢岸百畝

蕙欲採商崖三秀芝棲野鶴龍寬使織施山僧飯別
教炊但依沈約重瞳健不怕江花不滿枝

秋園卧疾呈暉上人

陳子昂

幽疾曠日遙林園轉清密抱病澹無豫獨坐汎瑤瑟
懷挾萬古情憂虞百年疾綿綿多滯念忽忽每如失
緬想赤松遊高尋紫庭逸榮吝始都喪幽入遂貞吉
圖書紛滿牀山水藹盈室宿昔心所尚平生自茲畢
願言誰見知梵筵有同術八月高秋晚涼風正蕭颯

卧疾家園

陳子昂

世上無名子人間歲月賒縱橫策已棄寂寞道爲家

卧疾誰能問閑居空物華猶憶靈臺友棲真隱太霞
還丹奔日御却老餌雲芽寧知白社客不厭青門瓜

城中卧疾知閻薛二子屢從邑令飲因以贈

之

韋應物

車

一作良

馬日蕭蕭胡不枉

一作在

我廬方來從令飲卧

病獨何如秋風起漢

一作江

臯開戶望平蕪卽此悵一作

稀音素

一作表

焉知中密疎渴者不思火寒者不求水

人生羈寓

一作旅

時去就當如此猶希心跡異

一作從利心迹

異眷眷存終始

郡齋卧疾絕句

韋應物

香爐宿火滅蘭燈宵影微秋齋獨卧病誰與覆寒衣
卧疾答劉道士

錢起

白露蠶已絲空林日淒清寥寥書扉掩獨卧秋牕明
寶字比仙藥羽人寄紫荊長吟想風馭恍若升蓬瀛
秋晚卧疾寄司空拾遺曙盧少府綸

耿漳

寒几坐空堂疎髯似積霜老醫迷舊疾朽藥誤新方
晚果紅低樹秋苔綠遍墻慙非蔣生徑不敢望求羊

卧疾走筆訓韓愈書問 賈島

一卧三四旬數書惟獨君

一作書至獨思君

願爲出海月不

作歸山雲身上衣頻寄甌中物亦分欲知強健否病
鶴未離群

訓秘書元丞郊園卧疾見寄

李端

聞說漳濱卧題詩怨歲華求醫主高手執疾到貧家
徹枕銷行蟻移杯失畫蛇門朝九衢上應見主人車

晚夏郡中卧疾

羊士諤

事外心如寄虛齋卧更幽微風生白羽畏日隔青油
用拙懷歸去沈疴畏借留東山自有計蓬鬢莫先秋
賊中與蕭韋二秀才同卧重疾二君尋愈余

獨加焉恍惚之中因有題

韋莊

與君同卧疾獨我漸彌留弟妹不知處兵戈殊未休
胷中疑晉豎耳下鬪殷牛縱有秦醫在懷鄉亦淚流

卧疾來早晚

白居易

卧疾來早晚懸懸將十旬婢能尋本草犬不吠醫人
酒甕全生醖歌筵半委塵風光還欲好爭向枕前春

卧疾懷歸

孟浩然

異縣天隅僻孤帆海畔過往來鄉信斷留滯客情多
臘日聞雷震東風感歲和蟄蟲驚戶穴巢鵠眇庭柯

徒對芳樽酒其如伏枕何歸歟理舟楫江海正無波

嶺下卧疾寄劉長卿員外 包佶

唯有貧兼病能令親愛疎歲時供放逐身世付空虛
脛弱秋添絮頭風曉廢梳波瀾喧衆口藜藿靜吾廬
喪馬思開卦占鴉嬾發書十年江海隔離恨子知予

卧疾

白居易

閑官卧疾絕經過居處蕭條近洛河水北水南秋月
夜管絃聲少杵聲多

登山谷寺上方答皇甫侍御卧疾闕陪車騎
之後 獨孤及

梵宮香閣攀霞上天柱孤峯指掌看漢主馬蹤成蔓

草寺中間石上有竅穴古法王身相示空棺禪門第

大師遺塔如此坊天寶中別駕李常開棺取金身參昆收舍利重起塔供養雲扶踴塔

青霄庫皮寄反松蔭禪庭白日寒不見戴逵心莫展賴

將新贈此琅玕

假中枉盧二十二書亦稱卧疾兼訝李二久

不訪問以詩答書因亦戲李二

韋應物

微官何事勞趨走服藥閑眠養不才花裏棋盤憎鳥

汗枕邊書卷訝風開故人問訊緣同病芳月相思阻

一杯應笑王戎成俗物遙持麈尾獨徘徊

卧疾感春寄魯望

皮日休

烏皮几上困騰騰玉柄清羸愧不能昨夜眠時稀似

鶴今朝餐數減於僧藥銷美祿應天折醫過芳辰定

鬼憎任是雨多遊未得也須收在探花朋

奉和卧病感春次韻

陸龜蒙

共尋花思極飛騰病帶春寒去未能煙徑水涯多好

鳥竹牀蒲倚但高僧須知日富為神授祗有家貧免

盜憎除却數函圖籍外更將何事結良朋

溫泉莊卧病寄楊七炯

宋之問

唐詩類苑 卷之三百三十一
多病卧茲嶺寥寥倦幽獨賴有嵩丘山高枕長在目
茲山棲靈異朝夜翳雲族是日濛雨晴返景入巖谷
纂纂澗畔草青青山下木此意方無窮環顧悵林麓
伊洛何悠漫川源信重複夏餘鳥獸蕃秋末禾黍熟
秉願守樊圃歸閑欣藝牧惜無載酒人徒把涼泉掬

胡居士卧病遺米因贈

王維

了觀四大因根性何所有妄計苟不生是身孰休咎
色聲何謂客陰界復誰守徒言蓮花目豈惡楊枝肘
既飽香積飯不醉聲聞酒有無斷常見生滅幻夢受
卧病即實相趨空定狂走無有一法真無有一法垢

居士素通達隨宜善抖擻牀上無氈卧鍋中有粥否
齋時不乞食定應空漱口聊持數斗米且救浮生取

晚春卧病寄張八

孟浩然

南陌春將晚北牕猶卧病園林久不遊草木一何盛
狹徑花障迷閑庭竹掃淨翠羽戲蘭苕頰鱗動荷柄
念我平生好江鄉遠從政雲山阻夢思衾枕勞歌詠
歌詠復何爲同心恨別離世途皆自媚流俗寡相知
賈誼才空逸安仁鬢欲絲遙情每東注奔晷復西馳
常恐填溝壑無由振羽儀窮通若有命欲向論中摧
淮南卧病書懷寄蜀中趙徵君蕤

李白

吳會一浮雲飄如遠行客功業莫從就歲光屢奔迫
良圖俄棄捐衰疾乃縣劇古琴藏虛匣長劍挂空壁
楚冠懷鍾儀越吟比莊舄國門遙天外鄉路遠山隔
朝憶相如室夜夢子雲宅旅情初結緝秋氣方寂歷
風入松下清露出草間白故人不在此而我誰與適
寄書西飛鴻贈爾慰離折

家園卧病舊遊見尋

孟浩然

伏枕舊遊曠笙歌勞夢思平生重交結迨此令人疑
水室無暖氣火雲空赫曦隙駒不暫駐日聽涼蟬悲

壯圖哀未立斑白恨吾衰夫子自南楚緬懷嵩汝期

海上卧病寄王臨

錢起

離客窮海陰蕭辰歸思結一隨浮雲滯幾怨黃鵠別
妙年卽沈疴生事多所闕劍中負明義枕上惜玄髮
之子良史才華簪偶時哲相思千里道愁望飛鳥絕
歲暮冰雪寒淮湖不可越百年去心慮孤影守薄劣
獨餘慕侶情金石無休歇

村居卧病

白居易

戚戚抱羸病悠悠度朝暮夏木纔結陰秋蘭已含露
前日巢中卵化作雛飛去昨日穴中蟲蛻爲蟬上樹

四時未嘗歇一物不暫住唯有病客心沈然獨如故
酬張太祝晚秋卧病見寄 白居易

高才淹禮寺短羽翔禁林西街居處遠北闕官曹深
君病不來訪我忙難往尋差池終日別寥落經年心
露濕綠蕪地月寒紅樹陰况茲獨愁夕聞彼相思吟
上歎言笑阻下嗟時歲侵容衰曉牕鏡思苦秋絃琴
一章錦繡段八韻瓊瑤音何以報珍重慙無雙南金

清明卧病不得遊開元寺 崔元翰

山色入層城鐘聲臨複岫乘間息邊事探異憐春候
曲閣下重塔迴廊遙對雷石間花遍落草上雲時覆

鑽火見樵人飲泉逢野獸道情親法侶時望登朝右
執憲糾奸邪刊書正訛謬茂才當時選公子生人秀
贈答繼篇章歡娛重用舊垂簾獨衰疾擊缶酬金奏

卧病 孟郊

貧病誠可羞故牀無新裘 一作貧病對客羞數整藍縷裘 春色燒肌

膚時餐苦咽喉倦寢意蒙昧強言聲幽柔承顏自俛
仰有淚不敢流默默寸心中朝愁續暮愁

覽褒子卧病一絕聊以題示 沈氏生全真

韋應物

念子抱沈疾霜露變滁城獨此高牕下自然無世情

唐詩類苑 卷之三百三十一
號州卧疾喜劉判官相過水亭

岑參

卧疾賞晏起朝來頭未梳見君勝服藥清話病能除
低柳供繫馬小池堪釣魚觀棋不覺暝月出水亭初

湖上卧病喜陸鴻漸至 李季蘭

昔去繁霜月今來苦霧時相逢仍卧病欲語淚先垂
強勸陶家酒還吟謝客詩偶然成一醉此外更何之

江閣卧病走筆寄呈崔盧兩侍御 杜甫

客子庖厨薄江樓枕席清衰年病祗瘦長夏想為情

滑憶彫胡飯香聞錦帶羹溜匙兼暖腹誰欲致杯甕
再得畢侍御書聞巴中卧病 錢起

芳信來相續同心遠更親數重雲外樹不隔眼中人

夢寐花驄色相思黃鳥一作蕙草春更聞公幹病一夜二

毛新

卧病喜田九見寄 劉長卿

卧來能幾日春事已依然不解謝公意翻令靜者便
庭陰殘舊雪柳色帶新年寂寞深村裏唯君相訪偏

卧病寄閩家 李端

唐詩類苑 卷之三百三十一
病中貪好景強步出幽居紫葛垂山徑黃花繞野渠
荒林飛老鶴敗堰過遊魚縱憶同年友無人可寄書

卧病

戴叔倫

門掩青山卧莓苔積雨深病多知藥性客久見人心
衆鳥趨林健孤蟬抱葉吟滄洲詩社散無夢盍朋簪

卧病寄苗員外

李端

故人初未貴相見得淹留一自朝天因成日遊

月明應獨醉葉下肯同愁因恨劉楨園卧見秋

卧病寓居龍興觀枉馮十七著作作書知罷攝

洛陽赴緱氏因題十四韻寄馮生并贈喬

尊師

時予罷
推官

盧綸

乞假依山宅蹉跎屬歲周弱夷輕採拾鈍質稱歸休
潘岳衰將至劉楨病未瘳步遲乘羽客起宴滯書郵
幸以編方驗終貽骨肉憂灼龜爐氣冷曝藥樹陰稠
語命心堪醉傷離夢亦愁葦隄居已絕鸞鶴見無由
世累如塵積年光劇水流躡雲知有路濟海豈無舟
倚玉翻成難投磚敢望訓卑棲君就祿羸憊我逢秋
腐葉填荒轍陰螢出古溝依然在遐想願子勵風猷

卧病書懷

盧綸

苦心三十載白首遇艱難舊地成孤客全家賴釣竿

貌衰緣藥盡起晚為山寒老病今如此無人更問看
晚春卧病喜振上人見訪 李益

卧牀如舊日窺戶易傷春靈壽扶衰力芭蕉對病身
道心空寂寞時物自芳新旦夕誰相訪唯當攝上人

和孫長史秋日卧病 駱賓王

霍地疎天府潘園近帝臺絃調三婦至驛置五侯來
尚想歡娛洽吁嗟歲月催金壇分上將玉杖引瓌村
决勝鯨波靜騰謀鳥谷開白雲淮水外紫陌灞陵隈
節變驚衰柳笳繁思落梅調神和玉燭揆藻握珠胎
悵矣欣懷玉居然欲死灰還因承雅曲暫喜躍沈鯁

酬劉起居卧病見寄 錢起

承顏看彩服不覺別丹墀味道能忘病過庭更學詩
繚垣多畫戟遠岫入書帷竹靜攜琴處林香讓果時
聲同叨眷早交淡在年衰更枉兼金贈難為繼組詞

春日卧病示趙季黃 盧綸

病中饒淚眼常昏聞說花開亦閉門語少漸知琴思
苦卧多唯覺鳥聲喧黃埃滿市圖書賤黑霧連山虎
豹尊今日支離顧形影向君凡在幾重恩

在假中 盧綸

訓崔侍御早秋卧病書情見寄時君亦抱疾

擲地金聲信有之瑩然冰玉見清詞元凱癖成官始
貴相如渴甚貌逾衰荒園每覺蟲鳴早華館常聞客
散遲寂寞罷琴風滿樹幾多黃葉落蛛絲

答竇拾遺卧病見寄

包佶

今春扶病移滄海幾度承恩對白花送客屢聞簾外
鶻銷愁已辨酒中虵瓶開枸杞懸泉水鼎鍊芙蓉伏
火砂誤入塵埃牽吏役羞將簿領到君家

聞微之江陵卧病以大通中散碧腹垂雲膏

寄之因題四韻

白居易

已題一帖紅消散又封一合碧雲英憑人寄向江陵

去道路迢迢一月程未必能治江上瘴且圖遙慰病
中情到時想得君拈得枕上開看眼暫明

歲暮病懷贈夢得

白居易

十年四海故交親零落唯殘兩病身共遣數音從是
命同教步蹇有何因眼隨老減嫌長夜體待陽舒望
早春新樂堂前舊池上相過亦不要他人

酬楊九弘貞長安病中見寄

白居易

伏枕君寂寂折腰我營營所嗟經時別相去一宿程
攜手昨何時昆明春水平離郡來幾日太白夏雲生

唐言類苑 卷之三十三
之子未得意貧病客帝城貧堅志士節病長高人情
隱機自恬淡閉門無送迎龍卧心有待鶴瘦貌彌清
清機發爲文振我如振瓊何以慰饑渴捧之吟一聲

病中友人相訪

白居易

卧久不記日南牕昏復昏蕭條草簷下寒雀朝夕聞
強扶牀前杖起向庭中行偶逢故人至便當一逢迎
移榻就斜日披裘倚前楹閑談勝服藥稍覺有心情

病中宴坐

白居易

有酒病不飲有詩慵不吟頭眩罷垂釣手痺休援琴
竟日悄無事所居閑且深外安支離體中養希夷心

牕戶納秋景竹木澄夕陰宴坐小池畔清風時動襟

病中贈張十八

韓愈

中虛得暴下避冷卧北牕不蹋曉鼓朝安眠聽逢逢
籍也處間里抱能未施邦文章自悞戲金石日擊撞
龍文百斛鼎筆力可獨扛談舌久不掉非君亮誰雙
扶几導之言曲節初縱縱半塗喜開鑿派別失大江
吾欲盈其氣不令見麾幢牛羊滿田野解旆束空杠
傾樽與斟酌四壁堆甕缸玄帷隔雪風照爐釘明釭
夜闌縱捩闔哆口疎眉厖勢侔高陽翁坐約齊橫降
連日挾所有形軀頓脞肱將歸乃徐謂子言得無咤

廻軍與角逐斫樹收窮龐雌聲吐款要酒壺綴羊腔
君乃崑崙渠籍乃嶺頭瀧譬如蟻垤微詎可陵崆峒
幸願終賜之斬拔枿與椿從此識歸處東流水淙淙
重雲李觀疾贈之
韓愈
天行失其度陰氣來干陽重雲閉白日炎燠成寒涼
小人但恣怨君子惟憂傷飲食爲減少身體豈寧康
此志誠足貴懼非職所當藜羹尚如此肉食安可嘗
窮冬百草死幽桂乃芬芳且況天地間大運自有常
勸君善飲食鸞鳳本高翔

病中作

白居易

久爲勞生事不學攝生道少年已多病此身豈堪老

病中答劉書記見贈

李山甫

病來雙樹下雲脚上禪袍頻有瓊瑤贈空瞻雪月高
已知捐俗態時許話風騷衰疾未能起相思徒自勞
病中一二禪客見問因以謝之

劉禹錫

勞動諸賢者同來問病夫添爐烹雀舌灑水淨龍鬚
身是芭蕉喻行須竹杖扶醫生有妙藥能乞一丸無
病中寄鄭十六兄
司空曙

倦枕欲徐行開簾秋月明手便筇杖冷頭喜葛巾輕

綠草前侵水黃花半上城
虛消此塵景不見十年兄

病中書事

白居易

三載卧山城閑知節物情
鶯多過春語蟬不待秋鳴
氣喇因寒發風痰欲雨生
病身無所用唯解卜陰晴

病中書懷寄王二十六

李建勳

落葉滿山州閑眠病未瘳
牕陰連竹枕藥氣染茶甌
路匪人遮去官須覓休焉
宜更羸老扶杖作公侯

春日病中

李建勳

纔得歸閑去還教病卧頻
無由全勝意終是負青春
綠柳漸拂地黃鶯如喚人
方為醫者勸斷酒已經旬

冬日病中即事

呂溫

墻下長安道囂塵咫尺間
久牽身外役暫得病中閑
背喜朝陽滿心憐暮鳥還
吾醫在何處南有白雲山

秋日病中

張祐

析析簷前竹秋聲拂簟涼
病加陰已久愁覺夜初長
坐拾車前子行看肘後方
無端憂食忌開鏡倍萎黃

早春病中書事寄魯望

皮日休

眼暈見雲母耳虛聞海濤
惜春狂似蝶養病躁於猱
按靜方書古堂空藥氣高
可憐真宰意偏解困吾曹

早春病中

皮日休

病根冬養得春到一時生眼暗憐晨慘心寒怯夜清
妻仍嫌酒癖醫只禁詩情應被高人笑憂身不似名
奉訓早春病中書事 陸龜蒙

祇貪詩調苦不計病容生我亦休文瘦君能叔寶清
藥須勤一服春莫累多情欲入毘耶問無人敵淨名

又訓次早春病中韻

陸龜蒙

從來多遠思猶向靜中生所以令心苦還應是骨清
酒香偏入夢花落又關情積此風流事爭無後世名
病中自戶部員外郎轉司封

呂溫

羸卧承新命優容獲所安遣兒寧賀客無力拂塵冠
偃仰晴軒暖支離曉鏡寒那堪報恩去感激對衰蘭
和李僕射秋日病中作 張籍

由來病根淺易見藥功成曉日杵臼靜涼風衣服輕
猶疑多氣力漸覺有心情獨倚紅藤杖時時堦上行
早春病中 張籍

羸病及年初心情不自如多申請假牒祇送賀官書
幽徑獨行步白頭長嬾梳更憐晴日色漸漸暖貧居
訓張十八病中寄詩 王建

本性慵遠行綿綿病自生見君綢繆思慰我寂寞情

風幌夜不掩秋燈照雨明彼愁此又憶一夕兩盈盈
秋日疾中寄諸同志 李咸用

閑居無勝事公幹卧來心門靜秋風晚人稀古巷深
花疎籬菊色葉減井梧陰賴有斯文在時時得強尋

病中二首

許渾

三年嬰酒渴高卧似袁安秋色鬢應改夜凉心已寬
風衣藤簟滑露井竹牀寒卧憶郊扉月恩深未挂冠

二

私歸人暫適扶杖遶西林風急柳溪響露寒莎徑深
一身仍白髮萬慮只丹心此意無言處高牕託素琴

病中聞河東公樂營置酒口占寄上

李商隱

聞駐行春旆中途賞物華綠憂武昌柳遂憶洛陽花
嵇鶴元無對荀龍不在誇只將滄海月長壓赤城霞

興欲傾燕館歡終到習家風長應側帽獨孤景公信舉止風流常

風吹帽傾路隘豈容車相逢狹路間樓迴波窺錦牕

虛日弄沙鑲門金了鳥展障玉鷗叉舞妙從兼楚歌

能莫襍巴必投潘岳果誰搯禰衡槌禰處士擊鼓能為漁陽搥槌

刻燭當時忝傳杯此夕賒可憐漳浦卧愁緒獨如麻

病中答招飲者

白居易

顧我鏡中悲白髮儘君花下醉青春不緣眼痛兼身
病可是樽前第二人

病中作

白居易

病來城裏諸親故厚薄親疎心總知唯有蔚章於我
分深於同在翰林時

病中早訪招國李十將軍遇挈家遊曲江

李商隱

十頃平波溢岸清病來唯夢此中行相如未是真消
渴猶放淹江過錦城

病中酬元宗簡

張籍

東風漸暖滿城春獨占幽居養病身莫說櫻桃花已
發今年不作看花人

病中上錢尚父

羅隱

左脚方行右臂攣每慚名跡污賓筵縱饒吳主容衰
病爭柰燕臺費料錢藜杖已乾難更把竹輦雖在不
堪懸深恩重德無言處迴首浮生淚泫然

聞魯望遊顏家林園病中有寄

皮日休

一夜韶姿著水光謝家春草滿池塘細挑泉眼尋新
脉輕把花枝嗅宿香蝶欲試飛猶護粉鶯初學嘯尚

羞簧分明不得同君賞盡日傾心羨索郎

酬襲美病中見寄次韻 陸龜蒙

日華風蕙正交光羯末相攜藉草塘 謝玄小字佳未謝川小字

酒旋傾醴醪嫩短船閒弄木蘭香煙絲鳥拂來縈帶

藥榼人收去約簧今日好為聯句會不成剛為欠檀

郎

病中美景頗阻追遊因寄魯望

皮日休

瘦牀閑卧晝迢迢唯把真如慰寂寥南國不須收蕙

苾百年終竟是芭蕉藥前美祿應難斷枕上芳辰豈

易銷看取病來多少日早梅零落玉華焦

奉酬病中見寄 陸龜蒙

逢花逢月便相招忽卧雲疏隔野橋春恨與誰同酌

酌玄言何處問逍遙題詩石上空迴筆拾蕙汀邊獨

倚橈早晚却還巖上電 襲美時有眼疾 共尋芳徑結煙條

病中秋懷寄襲美 陸龜蒙

病容愁思苦相兼清鏡無情未我嫌貪廣異蔬行徑

窄故求偏藥出錢添同人散後休賒酒雙燕辭來始

下簾更有是非齊未得重憑詹尹拂龜占

奉和病中秋懷次韻 皮日休

唐言類考 卷之三百三十一
貧病於君亦太兼才高應亦被天嫌因分鶴料家資
減爲置僧餐口數添靜裏攻詩空凭几寒中註易不
開簾清詞一一侵真宰甘取窮愁不用占

病中辱崔宣城長句見寄兼有魍絜之贈因
以四韻總而酬之
白居易

劉楨病發經春卧謝眺詩來盡日吟三道舊誇收片
玉一章新喜獲雙金信題霞綺緘情重酒試銀魍表
分深科第門生滿霄漢歲寒少得似君心
病中數會張道士見譏以此答之
白居易

亦知數出妨將息不可端居守寂寥病卽藥牕眠盡
日興來酒席坐通宵賢人易狎須勤飲姹女難禁莫
謾燒張道士輸白道士一杯沆瀣便逍遙

歲暮夜長病中燈下聞盧尹夜宴以詩戲之
且爲來日張本也
白居易

榮鬧興多嫌晝短衰閑睡夜覺明遲當君秉燭銜杯
夜是我停燈服藥時枕上愁吟堪發病府中歡笑勝
尋醫明朝強出須謀樂不擬車公更擬誰

病中對病鶴
白居易

同病病夫憐病鶴精神不損翅翎傷未堪再舉摩霄

漢只合相隨覓稻梁但作悲吟和嘹唳難將俗貌對
昂藏唯應一事宜爲伴我髮君毛俱似霜

病中書情寄上崔諫議

時眼疾未平

皮日休

十日來來曠奉公閉門無事忌春風蟲絲度日縈琴
薦蛙粉經時落酒筒馬足歇從殘漏外魚須拋在亂
書中殷勤莫怪求醫切只爲山櫻欲放紅

奉和病中書情次韻

陸龜蒙

或偃虛齋或在公藹然林下昔賢風庭間有蝶爭煙
藥簾外無人報水筒行藥不離深幌底

時患眼疾

寄書多

向遠山中西園夜燭偏堪憶曾爲題詩刻半紅

早春病中

王建

日日春風階下起不吹光彩上寒株師教絳服襖衰
月妻許青衣侍病夫健羨人家多力子祈求道士有
神符世間方法從誰問卧處還看藥草圖

病中早春

白居易

今朝枕上覺頭輕強起階前試脚行羶臆斷來無氣
力風痰惱得少心情暖消霜瓦津初合寒減冰渠凍
不成唯有愁人鬢間雪不隨春盡逐春生

病中詩十五首

并序

白居易

開化已未歲予蒲柳之年六十有八冬十月甲寅
旦始得風痺之疾體癯自眩左足不支蓋老病相
乘時而至耳予早棲心釋梵浪跡老莊因疾觀身
果有所得何則外形骸而內忘憂患先禪觀而後
順醫治旬月以還厥疾少間杜門高枕淡然安閑
吟諷興來亦不能遏因成十五首題爲病中詩且
貽所知兼用自廣昔劉公幹病漳浦謝康樂卧臨
川咸有篇章抒詠其志今引而序之者慮不知我
者或加誚焉

初病風

六十八衰翁乘衰百病攻朽株難免蠹空穴易來風
肘痺宜生柳頭旋劇轉蓬恬然不動處虛白在胷中

枕上作

風疾侵凌臨老頭血凝筋滯不調柔甘從此後支離
卧賴是從前爛熳遊迴思往事紛如夢轉覺餘生杳
若浮浩氣自能充靜室驚颿何必蕩虛舟腹空先進
松花酒膝冷重裝桂布裘若問樂天憂病否樂天知
命了無憂

答閑上人來問因何風病

一牀方丈向陽開勞動文殊問疾來欲界凡夫何足

道四禪天始免風災

病中五絕

世間生老病相隨此事心中久自知今日行年將七十猶須慙愧病來遲

方寸成灰鬢作絲假如強健亦何為家無憂累身無

事正是安閑好病時

李君墓上松應拱元相池頭竹盡枯多幸樂天今始

病不知合要苦治無

李元皆予執友也杓直少予八歲即世已九年微之少予七年

薨已八年矣今予始病得非幸乎

目昏思寢即安眠足軟妨行便坐禪身作醫王心是

藥不勞和扁到門前

交親不要苦相憂亦擬時時強出遊但有心情何用

脚陸乘肩輿水乘舟

送嵩客

登山臨水分無期泉石煙霞今屬誰君到嵩陽吟此句與君三十六峯知

罷灸

病身佛說將何喻變滅須臾豈不聞莫遣淨名知我笑休將火艾灸浮雲

賣駱馬

五年花下醉騎行臨賣迴頭嘶一聲項藉顧騅猶解
歎樂天別駱豈無情

別柳枝

兩枝楊柳小樓中嫋娜多年伴酒翁明日放歸歸去
後世間應不要春風

就暖偶酌戲諸詩酒舊侶

低屏軟褥卧藤牀昇向前軒就日陽一足任他爲外
物三杯自要沃中腸頭風若見詩應愈齒折仍誇災
不妨細酌徐吟猶得在舊遊未必便相忘

歲暮呈思黯相公皇甫朗之及夢得尚書

歲暮皤然一老夫十分流輩九分無莫嫌身病人持
侍猶勝無身可遣扶

自解

房傳往世爲禪客

世傳房太尉前生爲禪僧與婁師德友善慕其爲人故今生有婁之

遺風也

王道前生應畫師

王右丞相詩云宿世是詞客前身應畫師

我亦定

中觀宿命多生債負是歌詩不然何故狂吟詠病後
多於未病時

已上病中十五首

酬夢得見喜疾瘳

白居易

暖卧摩綿褥寒傾藥酒螺昏昏布裘底病醉卧相和
末疾

傳云風淫末疾未謂四肢

徒云爾餘年有幾何須知差與否

相去校無多

吐蕃別館卧病寄朝中諸友二首

呂溫

星漢縱橫車馬喧風搖玉佩燭花繁豈知羸卧窮荒
外日滿山頭猶閉門

清時令節千官會絕域窮荒一病夫遙想滿堂歌笑
處幾人緣我向西隅

過閻采病居

司空曙

每逢佳節何曾坐唯有今年不得遊張邴卧來休送
客菊花楓葉向誰秋

野寺病居喜盧綸見訪

李端

青青麥壠白雲陰古寺無人新草深乳燕拾泥依古
井鳴鳩拂羽歷花林千年駁薛明山履萬尺垂蘿入
水心一卧漳濱今欲老誰知才子忽相尋

訓李端公野寺病居見寄 盧綸

野寺鐘昏山正陰亂藤高竹水聲深田夫就餉還依
草野雉驚飛不過林齋浴暫思同靜室清羸已覺助
禪心寂寞日長誰問疾料君惟取古方尋

屬疾

李商隱

許靖猶羈宦安仁復悼亡茲辰聊屬疾何日免殊方

秋蝶無端麗寒花更不香多情真命薄容易卽迴腸
病入新正
白居易

枕上驚新歲花前減舊歡是身老所逼非意病相干
風月情猶在杯觴興漸闌便休心未伏更試一春看
對花微疾不飲呈坐中諸公

杜牧

花前雖病亦提壺數調持觴興有無盡日臨風羨人
醉雪香空伴白髭鬚

十九兄郡樓有宴病不能赴

杜牧

十二層樓敞晝簷連雲歌盡草纖纖空堂病怯階前
月燕子嗔垂一竹簾

晨起送使病不能行因過王十一館居二首

元稹

自笑今朝誤夙興逢他御史瘡相仍過君未起房門
掩深映寒牕一盞燈

密宇深房小火爐飯香魚熟近中廚野人愛靜仍耽
寢自問黃昏肯去無

宣城崔大夫召聯句偶疾不獲赴因獻

許渾

心慕知音命自拘，畫堂聞欲試吹竽。
茂陵罷酒慙中聖，漳浦題詩怯大巫。
髻鬢幾年傷在藻，羽毛終日羨棲梧。
還愁旅棹空歸去，楓葉荷花釣五湖。

譴瘧鬼

韓愈

屑屑水帝魂，謝謝無餘輝。
如何不肯子，尚奮瘧鬼威。
乘秋作寒熱，翁媪所罵譏。
求食歐泄間，不知臭穢非。
醫師加百毒，熏灌無停機。
灸師施艾炷，酷若獵火圍。
詛師毒口牙，舌作霹靂飛。
符師弄刀筆，丹墨交橫揮。
咨汝之胄，出門戶何巍巍。
祖軒而父頊，未沫於前徽。
不修其操行，賤薄似汝稀。
豈不忝厥祖，覲然不知歸。

湛湛江水清，歸居安汝妃。
清波爲裳衣，白石爲門畿。
呼吸明月光，手掉芙蓉旂。
降集隨九歌，飲芳而食菲。
贈汝以好辭，出汝去莫違。

落齒

韓愈

去年落一牙，今年落一齒。
俄然落六七，落勢殊未已。
餘存皆動搖，盡落應始止。
憶初落一時，但念豁可耻。
及至落二三，始憂衰即死。
每一將落時，懍懍恒在已。
又牙妨食物，顛倒怯漱水。
終焉捨我落，意與一作崩崩山比。
今來落既熟，見落空相似。
餘存二十餘，次第知落矣。
儻常歲落一，自足支兩紀。
如其落併空，與漸亦

同指人言齒之落壽命理難恃我言生有涯長短俱
死爾人言齒之豁左右驚諦視我言莊周云木鴈各
有喜語訛默固好嚼廢軟還美因歌遂成詩持用詫
妻子

耳聾

杜甫

生年鵬冠子

語世方尚武

歎世鹿皮翁眼復幾時暗耳從

前月聾猿鳴秋淚缺雀噪晚愁空黃落驚山樹呼兒
問朔風

病瘡

白居易

門有醫來往庭無客送迎病銷談笑興老足歎嗟聲

鶴伴臨池立人扶下砌行脚瘡春斷酒那得有心情

風疾舟中伏枕書懷呈湖南親友三十六韻

杜甫

軒轅休製律虞舜罷彈琴尚錯雄鳴管猶傷半死心

聖賢名古邈羈旅病年侵舟泊常依震

雲川震澤

湖平早

見參如聞馬融笛若倚仲宣襟故國悲寒望群雲慘

歲陰水鄉霾白蜃楓岸疊青岑鬱鬱冬炎瘴濛濛雨

滯淫鼓迎方祭鬼彈落以鴉禽興盡纔無悶愁來遽

不禁生涯相汨沒時物自蕭森疑惑尊中弩淹留冠

上簪牽裾驚魏帝投閣爲劉歆狂走終奚適微才謝

唐詩類苑 卷之三百三十一
所欽吾安藜不糝汝貴玉爲琛烏几重重縛鶉衣寸
寸鍼哀傷同庾信述作異陳琳十暑岷山葛三霜楚
戶砧叨陪錦帳坐久放白頭吟反樸時難遇忘機陸
易沈應過數粒食得近四知金春草封歸恨源花費
獨尋轉蓬憂悄悄行樂病泔泔瘞天追潘岳持危覓
鄧林蹉跎翻學步感激在知音却假蘇張舌高談周
宋鐔納流迷浩汗峻址得嶽崆城府開清旭松筠起
碧潯披顏爭悄悄逸足竟駸駸朗鑒存愚直皇天實
照臨公孫仍恃險侯景未生擒書信中原闊干戈北
斗深畏人千里井問俗九州箴戰血流依舊軍聲動

至今葛洪尸定解許靖力還任家事丹砂訣無成涕
竹霖

近獲風痺之疾題寄所懷 包 估

病夫將已矣無可答君恩衾枕同羈客圖書委外孫
久來從吏道常欲奉空門疾走機先息歆行力漸煩
無醫能却老有變是遊魂烏宿還依伴蓬飄莫問根
寓形齊指馬觀鏡制心猿唯借南榮地清晨暫負喧
店卧聞幕中諸公徵樂會飲因有戲呈三十

韻

元 稹

濩落因寒甚沈陰與病偕藥囊堆小案書卷寒空齋

張腹看成鼓羸形漸比柴道情憂易適温瘴氣難排
治虺扶輕杖開門立靜街耳鳴疑暮角眼暗助昏霾
野竹連荒草平陂接斷崖坐隅甘對鵬當路恐遭豺
蛇蠱迷弓影鷗翎落箭戟晚籬喧鬪雀殘菊半枯芟
音悵望悲回鴈依遲傍古槐一生長苦節三省詎行
怪奔北翻成勇司南却是高穹蒼真漠漠風雨漫喈
喈彼美猶谿女其誰沾館娃誠知通有日太極浩無
涯布卦求無妄祈天願孔皆藏衰謀計拙地僻往還
乖況羨蓮花侶方欣綺席諧鈿車迎妓樂銀翰屈朋
儕白紵輦歌黛同蹄墜舞釵白紵同蹄皆樂人姓名織身霞出

海豔臉月臨淮籌筋隨宜放投盤止罰嗒紅娘畱醉

打觥使及醒差

舞引紅娘拋打曲名酒中觥使席上右職

顧我潛孤憤何

人想獨懷夜燈燃懈葉凍雪墮磚堦壞壁虛缸倚深

爐小火埋鼠驕銜筆硯被冷束筋骸畢竟圖斟酌先

須遣癘疢

瘴瘧之徒

槍旗如在手

籌筋色目

那復敢歲巍

夏中病店作

温庭筠

山鬼揚威正氣愁便辭珍簟襲狐裘西牕一夕悲人
事圓扇無情不待秋

病氣

白居易

自知氣發每因情情在何由氣得平若問病根深與

唐詩類苑 卷之三百三十
淺此身應與病齊生

瘴塞

元稹

瘴塞巴山哭鳥悲紅粧少婦斂啼眉殷勤奉藥來相
勸云是前年欲病時

予病瘴樂天寄通中散碧腴垂雲膏仍題四

韻以慰遠懷開拆之間因有酬答

元稹

紫河變鍊紅霞散翠液煎研碧玉英金籍真人天上
合鹽車病驥輓前驚愁腸欲轉蛟龍吼醉眼初開日
月明唯有思君治不得膏銷雪盡意還生

足疾

白居易

足疾無加亦不瘳綿春歷夏復經秋開顏且酌樽中
酒代步多乘池上舟幸有眼前衣食在兼無身後子
孫憂應須學取陶彭澤但委心形任去留

眼病寄同官

王建

天寒眼痛少心情隔霧看人夜裏行年少往來常不
住墻西凍地馬蹄聲

患眼

張籍

三年患眼今年免校與風光便隔生昨日韓家後園
裏看花猶似未分明

病眼花

白居易

頭風目眩乘衰老祇有增加豈有瘳花發眼中猶足
怪柳生肘上亦須休大窠羅綺看絕辨小字文書見
便愁必若不能分黑白却能無悔復無尤

眼病

白居易

散亂空中千片雪朦朧物上一重紗縱逢晴景如看
霧不是春天亦見花僧說客塵來眼界醫言風眩在
肝家兩頭治療何曾瘥藥力微茫佛力賒

眼暗

白居易

早年勤倦看書苦晚歲悲傷出淚多眼損不知都自

取病成方悟欲如何夜昏乍似燈將滅朝闇長疑鏡
未磨千藥萬方治不得唯應閉目學頭陀

老病

杜甫

老病巫山裏稽留楚客中藥殘他日累花發去年叢
夜足霑沙雨春多逆水風合分雙賜筆猶作一飄蓬

老病

白居易

晝聽笙歌夜醉眠若非月下即花前如今老病須知
分不負春來二十年

老病相仍以詩自解

白居易

榮枯憂喜與彭殤都是人間戲一場蟲臂鼠肝猶不

怪雞膚鶴髮復何傷
昨因風發甘長往
今遇陽和又小康
還是遠行裝束了
遲迴且住亦何妨

老病幽獨偶吟所懷

白居易

眼漸昏昏耳漸聾
滿頭霜雪半身風
已將心出浮雲外
猶寄形於逆旅中
觴詠罷來賓閣閉
笙歌散後妓房空
世緣俗念消除盡
別是人間清淨翁

衰病無趣因吟所懷

白居易

朝餐多不飽
夜卧常少睡
自覺寢食間
都無少年味
平生好詩酒
今亦將捨棄
酒唯下藥飲
無復曾歡醉
詩多聽人吟
臯題一字病
姿與衰相繼
至況當尚少朝

彌慙居近侍
終當求一郡
聚少漁樵費
合口便歸山
不問人間事

衰病

白居易

老與病相仍
華簪髮不勝
行多朝散藥
睡少夜停燈
祿食分供鶴
朝衣減施僧
性多移不得
郡政謾如繩

衰病

白居易

老辭遊冶尋花伴
病別荒狂舊酒徒
更恐五年三歲後
此些談笑亦應無

久病初朝衢中卽事

呂人温

沈痾曠十旬
還過直城闈
老馬猶知路
羸童欲怕人

又隳三徑計更强百年身許國將何力空生衣上塵
與胡居士皆病寄此詩兼示學人二首

王維

一興微塵念橫有朝露身如是覩蔭界何方置我人
礙有固爲主趨空寧捨賔洗心詎懸解悟道正迷津
因愛果生病從貪始覺貧色聲非彼妄浮幻卽吾真
四達竟何遣萬殊安可塵胡生但高枕寂寞與誰隣
戰勝不謀食理齊甘負薪子若未始異詎論疎與親
二
浮空徒漫漫汎有定悠悠無乘及乘者所謂智人舟

詎捨貧病域不疲生死流無煩君喻馬任以我爲牛
植福祠迦葉求仁笑孔丘何津不鼓棹何路不摧輶
念此聞思者胡爲多阻修空虛花聚散煩惱樹稀稠
滅想成無記生心坐有求降吳復歸蜀不到莫相尤

寄同病者

白居易

三十生二毛早衰爲沈痾四十官七品拙宦非由他
年顏日枯槁時命日蹉跎豈獨我如此聖賢無柰何
迴觀親舊中舉目尤可嗟或有終老者沈賤如泥沙
或有始壯者飄忽如風花窮餓與天促不如我者多
以此及自慰常得心平和寄言同病者迴歎且爲歌

唐詩卷之三十一
卷之三十一
三十一
聞李太尉太舉秦兵百萬出征東南懦夫請
纓冀申一割之用半道病還留別金陵崔

侍御十九韻

李白

秦出天下兵蹴踏燕趙傾黃河飲馬竭赤羽連天明
太尉仗旄鉞雲旗繞彭城三軍受號令千里肅雷霆
函谷絕飛鳥武關擁連營意在斬巨鼉何論鱸長鯨
恨無左車畧多愧魯連生拂劍照嚴霜雕戈鬣胡纓
願雪會稽耻將期報恩榮半道謝病還無因東南征
亞夫未見顧劇孟阻先行天奪壯士心長吁別吳京
金陵遇太守倒屣欣逢迎群公咸祖餞四座羅朝英

初發臨滄觀醉棲征虜亭舊國見秋月長江流寒聲
帝車信迴轉河漢縱復橫孤鳳向西海飛鴻辭北溟
因之出寥廓揮手謝公卿

路病

孟郊

病客無主人艱哉求卧難飛光赤道路內火焦肺肝
欲飲井泉竭欲醫囊用單稚顏能幾日壯志忽已殘
人子不言苦歸書但云一作言安愁環在我腸宛轉終
無端

病客吟

孟郊

主人夜呻吟吟皆入妻子心遠客一作客子晝呻吟吟徒爲蠱

唐詩類苑 卷之三百三十一
鳥音妻子手中病愁思不復深僮僕手中病憂危獨
難任丈夫久漂泊神氣自然沈沈於滯疾中何人免
噓暗大海亦有涯高山亦有岑沈一作憂獨無極塵
淚互盈襟

客淮南病

盧仝

揚州蒸毒似燂湯客病清枯鬢欲霜且喜閉門無俗
物四肢安穩一張牀

遣病

元稹

自古誰不死不復記其名今年京城內死者老少并

獨孤纔四十

秘書監

仕宦方榮榮李三三十九

監察御史顧言

登朝有清聲趙昌八十餘三擁大將旌爲生信異異
之死同冥冥其家哭泣愛一一無異情其類嗟歎惜
各各無重輕萬齡龜菌等一死天地平以此方我病
我病何足驚借如今日死亦足了一生借使到百年
不知何所成况我早師佛屋宅此身形捨彼復就此
去留何所縈前身爲過跡來世卽前程但念行不息
豈憂無路行蛻骨龍不死蛻皮蟬自鳴胡爲神蛻體
此道人不明持謝愛朋友寄之仁弟兄吟此可達觀
世言何足聽

遣病十首

元稹

厚言類考 卷之二百三十一
服藥備江瘴四年方一瘳豈是藥無功伊予久留滯
滯留人固薄瘴久藥難制去日良已甘歸途柰無際

二

棄置何所任鄭公憐我病二十九萬錢資予養頑瞑
身賤殺何益恩深報難罄公其千萬年世有天之鄭

三

憶作孩稚初健羨成人列倦學厭日長嬉遊念佳節
今來漸諱年頓與前心別白日速如飛佳晨亦騷屑

四

昔在痛飲場憎人病辭醉病來身怕酒始悟他人意

怕酒豈不閑悲無少年氣傳語少年兒杯盤莫迴避

五

憶初頭始白晝夜驚一縷漸及鬢與鬚多來不能數

壯年等閑過音戈過壯年已五華髮不再青勞生竟何

補

六

在家非不病有病心亦安起居甥姪扶藥餌兄嫂看
今病兄遠路道遙書信難寄言嬌小弟莫作官家官

七

燕巢官舍內我爾俱爲客歲晚我獨留秋深爾安適

風高翅羽垂路遠煙波隔去去玉山岑人間網羅窄

八

簷宇夜來曠暗知秋已生卧悲衾簟冷病覺肢體輕
炎昏豈不勸時去聊自驚浩歎終一夕空堂天欲明

九

秋依靜處多況乃凌晨趣深竹蟬晝風翠茸衫曉露
庭莎病看長林果閑知數何以強健時公門日勞驚

十

朝結故鄉念暮作空堂寢夢別淚亦流啼痕暗橫枕
昔愁憑酒遣今病安能飲落盡秋槿花離人疾猶甚

同德精舍養疾寄河南兵曹東廳掾

韋應物

逍遙東城偶雙樹寒蔥蒨廣庭流華月高閣凝餘霰
杜門非養素抱疾阻良讌孰謂無他人思君歲云變
官曹亮先忝陳躅慙俊彥豈知晨與夜相代不相見
緘書問所如一云所知訓藻當芬絢

西齋養病夜懷多感因呈上從叔子雲

孟郊

遠客夜衣薄厭眠待雞鳴一牀空月色四壁秋蛩聲
守淡遺衆俗養痾念餘生方全君子拙耻學小人明

蚊蚋亦有時羽毛谷有成如何騏驥跡踉跄未能行
西北有平路運來無相輕

行藥前軒呈董山人

盧綸

不覺老將至瘦來方自驚朝昏多病色起坐有勞聲
腠暖苦晴痒藏虛唯耳鳴桑公富靈術一為保餘生

疾愈寄友人

僧法振

哀樂暗成疾卧中芳月移西山有清士孤嘯不可追
擣藥曙林淨汲泉陰澗遲微蹤與麋鹿遠謝求羊知

夏首病愈因招魯望

皮日休

曉日清和尚袷衣夏陰初合掩雙扉一聲撥穀桑柘

晚數點春鋤煙雨微貧養山禽能箇瘦病關芳草就
中肥明朝早起非無事買得蓴絲待陸機

奉詔夏首病愈次韻

陸龜蒙

雨多青合是垣衣一幅蠻牋夜款扉蕙帶又聞寬沈
約茅齋猶自憶王微方靈祗在君臣正篆古須拋點
畫肥除却伴談秋水外野鷗何處更忘機

病起言懷

孟郊

強行尋溪水一作淨水洗却殘病姿花景晼晚盡麥風清

冷吹交道卧來見世情貧去知高閑思楚逸淡薄一作

淺薄厭齊兒終伴碧山侶結言青桂枝

病起

僧清江

身世足堪悲空房卧病時卷簾槐雨滴掃室竹陰移
已覺生如夢那堪壽不知未能通法性詎可見支離

病起

賈島

嵩丘歸未得空自責遲回身事豈能遂蘭花又已開
病令新作少雨阻故人來燈下南華卷祛愁當酒杯

喜翁文堯員外病起

黃滔

衛玠羊車懸長卿駟馬姿天嫌太端正神乃減風儀
飲水俾消渴斷穀皆清羸越僧誇艾炷秦女隔花枝
自能論苦器語見泗州和尚碑不假求良醫驚殺漳濱鬼錯

與劉生隨昨日已如虎今朝謁荀池揚鞭入王門四
面人熙熙青桂任霜霰尺璧無瑕疵迴塵却惆悵歸
闕難遲遲

新秋病起

白居易

一葉落梧桐年光半又空秋多上階日涼足入懷風
病瘦形如鶴愁焦鬢似蓬損心詩思裏伐性酒狂中
華蓋何曾惜金丹不致功猶須自慙愧得作白頭翁

病起

白居易

病不出門無限時今朝強出與誰期經年不上江樓
醉勞動春風颺酒旗

唐言類考 卷之二十三
病後作

僧淡交

未得身亡法此身終未安病腸猶可洗瘦骨不禁寒
藥少心神餌經無氣力看悠悠片雲質獨坐夕陽殘

新亭病後獨坐招李侍郎公垂

白居易

新亭未有客竟日獨何爲
趁暖泥茶竈防寒夾竹籬
頭風初定後眼暗欲明時
淺把三分酒閑題數句詩
應須置兩榻一榻待公垂

病後過王倚飲贈歌

杜甫

麟角鳳觜世莫識煎膠續絃竒
自見尚看王生抱此

懷在於甫也何由羨且看王生慰疇昔素知賤子甘
貧賤酷見凍餒不足耻多病沈年苦無健王生怪我
顏色惡答云伏枕艱難遍瘡癘三秋孰可忍寒熱百
日相交戰頭白眼睛坐有胝肉黃皮皺命如綫惟生
哀我未平復爲我力致美肴膳遣人向市賒香粳喚
婦出房親自饌長安冬俎酸且綠金城土酥靜如練
兼求畜豕且割鮮密沽斗酒諧終宴故人情味晚誰
似令我手脚輕欲旋老馬爲駒總不虛當時得意況
深眷但欲殘年飽喫飯只願無事長相見

病後喜過劉家

白居易

忽憶前年初病後此生甘分不銜杯誰能料得今春
事又向劉家飲酒來

山中病後作

李山甫

卧病厭厭三伏盡商飆初自水邊來高峯枯槁骨偏
峭野樹扶疎葉未摧時序追牽從鬢改蟬聲酸急是
誰催雲門不閉全無事心外沈然一聚灰

病後春思

皮日休

連錢錦暗麝氛氲荆思才多詠鄂君孔雀鈿寒窺沼
見石榴紅重墮堦聞牢愁有度應如月春夢無心祇
似雲應笑病來慙滿願花牋好作斷腸文

奉和病後春思次韻

陸龜蒙

氣和靈府漸氤氲酒有賢人藥有君七字篇章看月
得百勞言語傍花聞閑尋古寺銷晴日最憶深溪枕
夜雲早晚共搖孤艇去紫屏風外碧波文

疾後與郡中翠公宴李秀才

許灑

強留佳客宴王孫巖上餘花落酒樽書院欲開蟲網
戶訟庭猶掩雀羅門耳虛盡日疑琴癖眼暗經秋覺
鏡昏莫引劉安倚西檻夜來紅葉下江村

夏中訓于逖畢耀問病見贈

獨孤及

救物智所昧學仙願未從行藏兩乖角蹭蹬風波中
薄官耻降志卧病非養蒙門關涉兩旬羈思浩無窮
鸞鷲何處來雙舞下碧空離別隔雲雨惠然此相逢
把手賀疾間舉杯欣酒濃新詩見久要清論激深衷
高館舒夜簟開門延微風火雲赫嵯峨日暮千萬峯
遙指故山笑相看撫號鐘聲和由心親事感和氣同
出處未易料且歌緩愁容願君崇明德歲暮如青松
靜夜酬通上人問疾 錢起

東林生早涼高枕遠公房大士看心後中宵清漏長

驚蟬出暗柳微月隱迴廊何事沈痾久含毫問藥王

訪疾

孟郊

冷氣入瘡痛夜來痛如何瘡從公怒生豈以私恨多
公怒亦非道怒消乃天和古有煥輝句嵇康閑婆娑
請君吟嘯之正氣庶不訛

聞董評事疾因以書贈

劉禹錫

繁露傳家學青蓮譯梵書火風乖四大文字廢三餘
欹枕晝眠靜折巾秋鬢疎武王思視草誰許茂陵居
問張山人疾 李端

先生沈病意何如蓬艾門前客轉疎不見領洗過絳

帳唯聞與婢削丹書

寄劉蕢問疾

王建

年少病多應爲酒誰家將息過今春
賒來半夏重重熏盡投著山中舊主人

逢病軍人

盧綸

行多有病住無糧萬里還鄉未到鄉
蓬鬢哀吟古城下不堪秋氣入金瘡

村南逢病叟

盧綸

雙膝過頤頂在肩四隣知姓不知年
卧驅烏雀惜禾黍猶恐諸孫無社錢

艱危

逃難

杜甫

五十白頭翁南北逃世難疎布纏枯骨
奔走苦不暖已衰病方入四海一塗炭
乾坤萬里內莫見容身畔妻孥復隨我
回首共悲歎故國莽丘墟隣里各分散
歸路從此迷涕盡湘江岸

羌村三首

在鄜州

杜甫

崢嶸赤雲西日脚下平地柴門烏雀噪
歸客千里至妻孥怪我在驚定還拭淚
世亂遭飄蕩生還偶然遂隣人滿牆頭
感歎亦歔歔夜闌更秉燭相對如夢寐

二

晚歲迫偷生還家少歡趣嬌兒不離膝畏我復却去
憶昔好追涼故繞池邊樹蕭蕭北風勁撫事煎百慮
賴如禾黍收已覺糟牀注如今足斟酌且用慰遲暮

三

群雞正亂叫客至雞鬪爭驅雞上樹木始聞扣柴荆
父老四五人問我久遠行手中各有攜傾榼濁復清
苦辭酒味薄黍地無人耕兵革既未息兒童盡東征
請爲父老歌艱難媿深情歌罷仰天歎四坐淚縱橫

解憂

杜甫

減米散同舟路難思共濟向來雲濤盤衆力亦不細
呀吭瞥眼過飛櫓本無帶得失瞬息間致遠宜恐泥
百慮視安危分明曩賢計茲理庶可廣拳拳期勿替

亂中寄友人

張蠩

別來難覓信何處避艱危鬢黑無多日塵清是幾時
人情將厭武王澤卽興詩若便懷深隱還應聖主知

行路難

盧照隣

樂府解題曰行路難備言世路艱難及離別悲傷
之意多以君不見爲首按蘇武別傳曰武常牧羊
諸家牧豎有知歌謠者武遂學行路難則所起亦

遠矣唐王昌齡又有變行路難

君不見長安城北渭橋邊枯木橫槎卧古田昔日含
紅復含紫常時留霧亦留煙春景春風花似雪香車
玉輦恒闐咽若箇遊人不競攀若箇娼家不來折娼
家寶抹蛟龍帔公子銀鞍千萬騎黃鶯一一向花嬌
青鳥雙雙將子戲千尺長條萬尺枝月桂星榆相蔽
虧珊瑚葉上鴛鴦鳥鳳凰巢裏雛雛兒巢空枝折鳳
飛去條枯葉落任風吹一朝憔悴無人問萬古摧殘
君詎知人生貴賤無終始倏忽須臾難久恃誰家能
駐西山日誰家能堰東流水漢家陵樹滿秦川行來

行去盡哀憐自昔公卿二千石咸擬榮華一萬年不
見朱唇將玉貌唯聞青棘與黃泉金貂有時須換酒
玉塵但搖莫計錢寄言坐客神仙署一生一死交情
處蒼龍闕下君不留白鶴山頭我應去雲間海上邀
難期赤心會合在何時但願堯年一百萬長作巢由
也不辭

行路難

張紘

君不見溫家玉鏡臺提攜抱握九重來君不見相如
綠綺琴一撫一拍鳳凰音人生意氣須及早莫負當
年行樂心荆王奏曲楚妃歎曲盡歡終夜將半朱樓

銀閣正平生碧草青苔坐蕪漫當春對酒不須疑視
日相看能幾時春風吹盡燕初至此時自爲稱君意
秋露萎草鴻始歸此時衰暮與君違人生翻覆何常
定誰保容顏無是非

古行路難

李頎

漢家名臣楊德祖四代五公享茅土父子兄弟縮銀
黃躍馬鳴珂朝建章火浣單衣繡方領茱萸錦帶玉
盤囊賓客填街復滿座片言出口生輝光世人逐勢
爭奔走瀝膽隳肝惟恐後當時一顧登青雲自謂生
死長隨君一朝謝病還鄉里窮巷蒼苔絕知己秋風

落葉閉重門昨日論交竟誰是薄俗嗟嗟難重陳深
山麋鹿可爲隣魯連所以蹈東海古往今來稱達人

行路難二首

高適

長安少年不少錢能騎駿馬鳴金鞭五侯相逢大道
邊美人絃管爭留連黃金如斗不敢惜片言如山莫
棄捐安知憔悴讀書者暮宿靈臺私自憐

君不見富家翁舊時貧賤誰比數一朝金多結豪貴
百事勝人健如虎子孫成行滿眼前妻能管絃妾歌
舞自矜一身忽如此却笑傍人獨愁苦東隣少年安
所如席門窮巷出無車有才不肯學干謁何用年年

空讀書

行路難

崔顥

君不見建章宮中金明枝萬萬長條拂地垂二月三月花如霰九重幽深君不見豔彩朝含四寶宮香風吹入朝雲殿漢家宮女春未闌愛此芳春朝暮看來看去看心不忘攀折將安鏡臺上雙雙素手剪不成兩兩紅粧笑相向建章昨夜起春風一花飛落長信宮長信麗人見花泣憶此珍樹何嗟及我昔初在昭陽時朝攀暮折登玉墀只言歲歲長相對不悟今朝遙相思

行路難三首

李白

金樽清酒斗十千玉盤珍羞直萬錢停杯投筯不能食拔劍回顧心茫然欲渡黃河水塞川將登太行雪滿山閑來垂釣碧溪上忽復乘舟夢日邊行路難行路難多岐路今安在長風破浪會有時直挂雲帆濟滄海

大道如青天我獨不得出羞逐長安社中兒赤雞白狗賭梨栗彈劍作歌奏古聲曳裾王門不稱情淮陰市井笑韓信漢朝公卿忌賈生君不見昔時燕家重郭隗擁篲折節無嫌猜劇辛樂毅感恩分輸肝剖膽

效英才昭王白骨縈爛草誰人更掃黃金臺行路難
歸去來

有耳莫洗潁川水有口莫食首陽蕨含光混世貴無
名何用孤高比雲月吾觀自古賢達人功成不退皆
殞身子胥旣棄吳江上屈原終投湘水濱陸機雄才
豈自保李斯稅駕苦不早華亭鶴唳詎可聞上蔡蒼
鷹何足道君不見吳中張翰稱達生秋風忽憶江東
行且樂生前一杯酒何須身後千載名

行路難五首

賀蘭進明

君不見東流水一去無窮已君不見西郊雲日夕空

氛氳群鴈徘徊不能去一鴈悲鳴復失群人生結交
在終始莫以升沈中路分

君不見雪中月斲盈還復缺君不見林下風聲遠意
難窮親故平生或聚散歡娛未盡樽酒空歎息青青
陵上栢歲寒能有幾人同

君不見芳樹枝春花落盡蜂不窺君不見梁上泥秋
風始高燕不棲蕩子從軍事征戰蛾眉嬋娟守空閨
獨宿自然堪下淚況復時聞烏夜啼

君不見門前柳榮耀幾時蕭索久君不見陌上花狂
風吹去落誰家隣家思婦見之歎迴首不梳心歷亂

唐言類苑 卷之二十三
盛年夫壻長別離歲暮相逢色彫換

君不見巖下井百尺不及泉君不見山上苗數寸凌
雲煙人生相命亦如此何苦太息自憂煎但願親友
長含笑相逢不乏杖頭錢寒夜邀歡須秉燭豈得長
思花柳年

行路難

孟雲卿

君不見高山萬仞連蒼旻天長地久成埃塵君不見
長松百尺多勁節狂風暴雨終摧折古今何世無聖
賢吾愛伯陽真乃天金堂玉闕朝群仙拍手東海成
桑田海中之水慎勿枯烏鳶啄蚌傷明珠行路難艱

險莫踟蹰

蜀道難

張宗

古今樂錄曰王僧虔技錄有蜀道難行今不歌樂
府解題曰蜀道難備言銅梁玉壘之阻與蜀國絃
頗同尚書談錄曰李白作蜀道難以罪嚴武後陸
暢謁韋南康臯於蜀郡感韋之恩遂反其詞作蜀
道易云蜀道易易於履平地按銅梁玉壘在蜀郡
西南今永康是也非入蜀道失之遠矣

梁上鎮地險精石阻雲端深谷下寥廓層巖上鬱盤
飛梁駕絕嶺棧道接危巒攬轡獨長息方知斯路難

蜀道難

李白

太白自蜀至京師賀知章聞其名首訪之既奇其
姿又請所爲文太白出蜀道難示之呼爲謫仙人
噫吁戲危乎高哉蜀道之難難於上青天蠶叢及魚
鳧開國何茫然爾來四萬八千歲不與秦塞通人煙
西當太白有鳥道可以橫絕峨眉巔地崩山摧壯士
死然後天梯石棧相鈎連上有六龍回日之高標下
有衝波逆折之回川黃鶴之飛尚不得過猿猱欲度
愁攀緣青泥何盤盤百步九折縈巖巒捫參歷井仰
脅息以手撫膺坐長歎問君西遊何時還畏途巖巖

不可攀但見悲鳥號古木雄飛雌從繞林間又聞子
規啼夜月愁空山蜀道之難難於上青天使人聽此
彫朱顏連峯去天不盈尺枯松倒挂倚絕壁飛湍瀑
流爭喧豨崩崖轉石萬壑雷其嶮也如此嗟爾遠道
之人胡爲乎來哉劍閣崢嶸而崔嵬一夫當關萬夫
莫開所守或匪親化爲狼與豺朝避猛虎夕避長蛇
磨牙吮血殺人如麻錦城雖云樂不如早還家蜀道
之難難於上青天側身西望長咨嗟

行路難

朱慶餘

世事澆浮後艱難向此生人心不自足公道爲誰平

德喪淳風盡年荒蔓草盈堪悲山下路非祗客中行

行路難二首

顧況

君不見擔雪塞井徒用力炊沙作飯豈堪喫一生肝
膽向人盡相識不如不相識冬青樹上挂凌霄歲晚
花彫樹不彫凡物多自有根本種禾終不生荳苗行
路難行路難何處是平道中心無事當富貴今日覺
君顏色好

君不見少年頭上如雲髮少壯如雲老如雪豈知灌
頂有醍醐能使清涼頭不熱呂梁之水挂飛流鼉鼉
蛟蜃不敢遊少年恃險若平地獨倚長劍凌清秋行

路難行路難昔少年今已老前朝竹帛事皆空日暮
牛羊占城草

行路難

錢起

君不見明星映空月太陽朝升光盡歇君不見彫零
委路蓬長風飄舉入雲中由來人事何嘗定且莫驕
奢笑賤窮

行路難

張籍

湘東行人長歎息十年離家歸未得弊裘羸馬苦難
行僮僕饑寒少筋力君不見牀頭黃金盡壯士無顏
色龍蟠泥中未有雲不能生彼升天翼

行路難一云連環歌 韋應物

荆山之白玉兮良工雕琢雙環連月蝕中央鏡心穿
故人贈妾初相結恩在環中尋不絕人情厚薄苦須
更昔似連環今似决連環可碎不可離如何物在人
自移上客勿遽歡聽妾歌路難旁人見環環可憐不
知中有長恨端

行路難 戴叔倫

出門行路難富貴安可期淮陰不免惡少辱阮生亦
作窮途悲顛倒英雄古來有封侯却屬屠沽兒長安
車馬隨輕肥青雲賓從紛交馳白眼向人多意氣宰

牛烹羊如折葵宴樂寧知白日短時時醉擁雙蛾眉
揚雄閉門空讀書門前碧草春離離不如拂衣且歸
去世上浮名徒爾為

行路難三首 僧貫休

君不見山高海深人不測古往今來轉青碧淺近輕
浮莫與交地卑只解生荆棘誰道黃金如糞土張耳
陳餘斷消息行路難行路難君自看
不會當初作天地剛有多般愚與智到頭還用真宰
心何如上下皆清氣大道冥冥不知處那堪頓得義
和轡義不義今仁不仁擬學長生更容易負薪為爐

唐詩類苑 卷之二百三十一
五十四
復爲火緣木求魚應且止君不見燒金煉石古帝王
鬼火熒熒白楊裏

君不見道傍廢井生古木本是驕奢貴人屋幾推輪
席上招賢急山陰對雪頻虛明先日暮啓閉異冬春
談笑兵家法逢迎幕府賓還依負暄處時借在陰人

行路難

僧齊已

行路難君好看驚波不在駝黠間小人心裏藏崩湍
七盤九折寒峭崿翻車倒蓋猶堪出未似是非唇舌
危暗中潛毀平人骨君不見楚靈均千古沈寃湘水
濱又不見李太白一朝却作江南客

行路難三首

柳宗元

君不見見夸父逐日窺虞淵跳踉北海超崑崙披霄決
漢出沆漭瞥裂左右遺星辰須臾力盡道渴死狐鼠
蜂蟻爭噬吞北方崢嶸人長九寸開口抵掌更笑喧啾
啾飲食滴與粒生死亦足終天年睢盱大志小成遂
坐使兒女相悲憐

虞衡斤斧羅千山工命採斫伐與椽深林土剪十取
一百牛連鞅摧雙轅萬圍千尋妨道路東西蹶倒山
火焚遺餘毫末不見保躡躑躅壑何當存群材未成
質已天突兀嶂豁空巖巒栢梁天災武庫火匠石狼

唐詩卷之二
顧相愁冤君不見南山棟梁益稀少愛才養育誰復
論

飛雪斷道水成梁侯家熾炭雕玉房蟠龍吐耀虎喙
張熊蹲豹躑爭低昂攢巒叢嶧射朱光丹霞翠霧飄
竒香美人四向迴鳴璫雪山冰谷晞太陽星躔奔走
不得止奄忽雙燕棲虹梁風臺露榭生光飾死灰棄
置參與商盛時一去貴反賤桃笙葵扇安可當

貧窮

丘中有一士二首

白居易

丘中有一士不知其姓名面色不憂苦血氣常和平

每選隙地居不踏要路行舉動無尤悔物莫與之爭
藜藿不充腸布褐不蔽形終歲守窮餓而無嗟歎聲
豈是受貧賤深知時俗情勿矜羅弋巧鸞鶴在冥冥

二

丘中有一士守道歲月深行披帶索衣坐拍無絃琴
不飲濁泉水不息曲木陰所逢苟非義糞土千黃金
鄉人化其風熏如蘭在林智愚與強弱不忍相欺侵
我欲防其人將行復沈吟何必見其面但在學其心

閑居貧活計

白居易

冠蓋閑居少簞瓢陋巷深稱家開戶牖量力置園林

儉薄身都慣營爲力不任饑烹一片肉暖卧兩重衾
樽有陶潛酒囊無陸賈金莫嫌貧活計更富卽勞心

朝饑

賈島

市中有樵山此舍朝無煙井底有甘泉釜中乃空然
我要見白日雪來寒一作塞青天坐聞西牀琴凍折兩
三絃饑莫詣他門古人有拙言

無長物

白居易

莫話家居窄無嫌活計貧只緣無長物始得作閑人
青竹單牀篔簹烏紗獨幅巾其餘皆稱是亦足奉吾身

贈東溪貧道

方干

非唯劍鶴獨難留觸事皆聞被債收賴是豪家念寒
餒却還漁島與魚舟

北郭貧居

孟郊

進乏廣莫力退爲蒙瀧居三年失意歸四向相識疎
地僻草木壯荒條扶我廬夜貧燈燭絕明月照我書
欲識貞靜操秋蟬飲清虛

貧居冬杪

黃滔

數塞未來通吾非學養蒙窮居歲杪雨孤坐夜深風
年長慙昭代才微辱至公還愁把春酒雙淚汚杯中

秋夕貧居

黃滔

唐詩卷之二十三
聽歌桂席闌下馬槐煙裏豪門腐梁肉窮巷思糠粃
孤燈照獨吟半壁秋花死遲明亦如晦雞唱徒爲爾

貧居

王建

眼底貧家計多時總莫嫌蠹生騰藥紙字暗換書籤
避雨濕黃葉遮風下黑簾近來身不健時就六壬占

酬夢得貧居詠懷見贈

白居易

歲陰生計兩蹉跎相顧悠悠醉且歌厨冷難留鳥止
屋門閑可與雀張羅病忝莊舄吟聲苦貧欠韓康藥
債多日望揮金賀新命俸錢依舊又如何

寒女吟

邵謁

寒女命自薄生來多賤微家貧人不聘一身無所歸
養蠶徒苦心繭熟他人絲織素徒苦力素成他人衣
青樓富家女纔生便有主終日著羅綺何曾識機杼
清夜聞歌聲聽之淚如雨他人如何歡我意又何苦
所以問皇天皇天竟無語

貧女詞寄從叔先輩簡

孟郊

蠶一作貧女非不勤今年獨無春二月冰雪深死盡萬
木身時令自逆行造化豈不仁仰企碧雲仙高控滄
海雲永別勞苦腸飄飄遊無垠

貧女

李山甫

唐詩類考 卷之三十三
平生不識繡衣裳
閑把荆釵亦自傷
鏡裏只應諳素貌
人間多自信
紅粧當年未嫁還
憂老終日求媒
卽道狂兩意定知無
說處暗垂珠淚濕
蠶筐

貧女

秦韜玉

蓬門未識綺羅香
擬托良媒益自傷
誰念風流高格調
共憐時世儉梳粧
敢將十指誇纖巧
不把雙眉鬪畫長
每恨年年壓金線
爲他人作嫁衣裳

唐詩類苑卷第一百三十終

